



懷慶府志卷之二十一

人物志

列傳

明典範不樂聞其議者交阻



李堅武陟人父英在忠節傳堅尚太祖第六女大名

公主授駙馬都尉有材勇靖難兵起建文以堅充副

將軍佐耿炳文北伐封灣城侯後戰敗被擒械至北

平道卒子莊嗣侯成祖卽位以主故獲宥遂納諾券

放浪詩酒以壽終

明史本傳

馮冕孟人宋侍中拯裔孫洪武初以儒士舉授樂城

縣丞有能聲尋用薦陞春坊贊善大夫九年遷刑部

懷慶府志

卷二十一

人物 列傳

尚書以疾歸老于家

舊志

元本武陟人父子英仕元爲河陽尹本至正間舉進

士除汾州判官攝襄城安塞縣尹俱有治績洪武初

有司以明經舉授懷慶府學教授遷察言司令史官

吏部郎中致仕

舊志

蓋霖孟人洪武初由太學生任禮部主事特旨掌部

事規畫建置多所裨益歷戶工二部員外郎坐事謫

居典濟永樂間黃福鎮交趾薦於朝授交趾同知道

卒

明志

耶敏濟源人洪武初以國子生授監察御史出守饒

州饒屬樂平民以假借大姓不遂詣闕告密牽累千

餘家詔遣指揮潘某以兵潛捕之敏止潘勿往單騎  
廉得其實還具白潘潘疑之自往偵視如敏言速告  
密者至京師伏誅樂平安塔

按明史郎敏附盧熙傳  
載此事較畧故依舊志

劉幹字孟貞修武人洪武癸酉舉於鄉爲長洲縣丞  
清廉仁恕民信愛之比卒貧不能歸民爲買舟資送  
留衣冠葬於虎邱山側立石表其上曰劉公墩舊志

王鐸字雪屋修武人洪武丙子孝廉累官金華知府  
釐奸剔弊如神百姓繪圖祀之子愈懋舊志

愈字希賢鐸長子永樂戊戌進士爲侍御史剛直不  
避權貴刻總戎胥功受爵忤旨死舊志

懷慶府志

卷二十一

人物

列傳

二

懋字希昭愈之弟永樂甲辰進士授海豐知縣正統  
十年舉治行卓異擢西安知府有聲于璠字文璜精  
易解天順庚辰進士歷官安慶知府見明史楊瓚  
傳及縣志

馬守忠陽武人洪武初以秀才舉任獲嘉縣縣丞遷  
知縣所至有政聲歷官至右僉都御史縣志

解敏陽武人洪武乙丑進士累官浙江按察使外寬  
內明吏不敢欺超拜右都御史縣志

凌漢字斗南原武人洪武中以秀才舉任京師擢司  
經局正字歷官僉都御史尋致仕還漢頗長于政事  
爲御史時爲法平恕人有德漢者厚報以金漢曰子  
自無罪非我私子何以金爲有廉得其事者以聞故

履蒙寵眷云縣志

張旭温人永樂戊戌進士知稷山多善政子廉正統

甲子舉人縣志

申嶽温人宣德四年以歲貢生廷對帝奇其標格授

江南道監察御史立朝端重敢言不阿一時推為名

御史舊志

鍾成原武人正統壬戌進士官戶部主事時值河患

成以病予假家居奏黃河沖決破患莫甚於原武北

至舊黃河黑洋山界南至古汴河陳橋舖界相去五

十餘里水皆浸灌縣治居其中於今已六七年矣男

欲耕而無高燥之地女欲織而無蠶桑之所乞敕有

懷慶府志 卷二十一 人物 列傳 三

司疏濬築塞以消水患轉運鄰近糧儲以備賑濟從

之病愈起官累陞工部郎中縣志奏見明史河渠志

王黻字文繡河內人永樂癸卯舉人正統間授山東

嶧縣令廉明仁惠興學勸農比三年田皆可耕民皆

可賦鄰封沂州民請為牧滕縣民請為令嶧民詣闕

叩留敕褒異任滿以疾歸卒後數十年滕人黃中丞

為河內令捐金建祠北郭縣志

王光字德輝陽武人正德戊辰進士初令博興時流

賊掠境光備禦有方城賴以全擢御史巡按陝西邊

境肅然尋遷山西副使致仕卒崇祀鄉賢縣志

李鞏景泰癸酉科舉人成化中知蕭山會潮災新林

塘漂溺無算葦修築隄岸挽雍恤飢民賴以安

浙江通志

毛志陽武人天順甲申進士授吏科給事中天性骨

鯁不避權位論官閫忤旨歸祀鄉賢

縣志

姜鄴字宗武修武人天順壬午舉人任撫寧知縣明

達際斷陞蔚州知州蔚用武之地振興文教士皆向

化秩滿蔚民赴闕請畱進階四品後以疾歸卒祀鄉

賢

採許讚撰墓碑

賈鏞孟人以明經為山西太原府推官廉正持公斷

疑獄如神太原人至今稱之

舊志

劉志河內人成化間除武功知縣為人仁厚有禮民

服其教毋忍私違也嘗值歲旱躬禱太白靈湫雨隨

懷慶府志

卷二十一

人物

列傳

四

至沾足百姓叩迎道左爭以雨具授志磨去曰此神

既我民者我何可褻易九年致仕歸

武功志

蘭澄陽武人成化丙戌進士授御史彈劾貴戚奄宦

朝野震懾卒於官祀鄉賢

縣志

楊懋溫人志大學博以成化戊子鄉魁任陽城令後

遊國學自製璇璣圖講道成均一時學者皆宗之

縣志

李端澄字學溥武陟人成化丁未進士歷官御史劾

宦官蔣宗外遷甘肅兵備道時西陲多事端澄同威

寧伯王越進討俘斬甚眾陞雲南按察使以忤劉瑾

致仕卒祀鄉賢

舊志

馬瓚陽武人以成化四年貢任山西汾州判官養親

志撫遺孤仕舒民困歸周鄰里卒祀鄉賢縣志

劉舉武陟人為四川白渡驛丞時川東寇亂王師問

罪司餉著績歿後何瑋誌其墓縣志

郝縮字玉卿河內人父潤仕鳳縣知縣有政聲縮宏

治已未進士授刑部郎江西民有以刻龍舟被逮者

長官阿劉瑾意命縮檢永樂年間出格事例縮檢得

匿卧席下其人得不死遷四川僉事上官等各嘯聚

數千人縮單騎往諭皆降散之正德中總制彭澤調

縮勦叛軍范藻等旋奏捷陞淑瀘道副使縮素剛直

不為眾口所理致仕歸及彭澤內召陳其大功數十

於是朝廷諭勞之採何瑋撰墓志

懷慶府志

卷三十一

人物

列傳

王瀛字崇賢河內人孝子履元孫以歲貢歷靈石教

諭課士如治身不少懈何瑋贊其像曰有德有文儒

之君子卒祀鄉賢孫所用另有傳舊志

高自修字誠夫原武人正德中登鄉薦謁選授冀州

知州屏去煩苛與民休息用薦遷山西太原府同知

以終養告歸子世雨隆慶戊辰進士仕至太僕寺正

卿縣志

范安字子仁河內籍溫人嘉靖癸未進士由河間推

官擢御史巡按粵西有聲以劾賊吏忤首輔張璠意

罷歸卒祀鄉賢採家傳

周道字大經懷慶衛人嘉靖丙戌進士授蠡縣令平

易多惠政以憂去改玉田擢御史巡按宣大時大同  
新變道請戮其元惡餘罔不治軍民肖像于太平樓  
祀之後按真定扈駕南狩塗次劾權貴不法事落職  
家居二十六年祀鄉賢

舊志

婁樞字子靜懷慶衛人少爲諸生師事何瑋嘉靖乙  
酉領鄉薦入成均授廣宗令時巡撫劉某籍民兵公  
謂擾民上鄉兵議劉心脚之適巡按樊某問安民去  
貪之畧公應以所令勿反所好作去甚論刺之二恨  
交作竟斥職歸著經學史學子學政學五朝文教等  
書行世歿後廣民肖像祀之縣祀鄉賢

舊志

懷慶府志

卷二十一

人物

列傳

六

劉涇字叔清懷慶衛人少時有鄰女贈芍藥杜門謝

去鄉舉後益肆力濂洛之學師事何瑋成進士授庶  
吉士改御史巡城值京師戒嚴涇守北城開門納難  
民全活萬衆出守鳳翔屬邑以羨金三千進涇笑曰  
世豈有受羨金劉次山哉次山其自號也尋以外艱  
去補登州知府晉山西兵備防秋雲中八角堡遇警  
涇躬擐甲胄厲衆固守朝議方擬大任會忤者以蜚  
語中之罷歸築白雲山房於西郊讀書其中著有理  
學四先生言行錄及京華滇南晉陽三集行世時與  
婁樞同修郡志高簡無華一時稱爲先輩典刑卒祀  
鄉賢

採斐輿白雲山房

文集序及舊志

簡重厚字汝載懷慶衛人以歲貢分訓合肥陞長葛

教諭陳州學正彰德教授整躬課士所至如金在冶

長葛以名宦請河內以鄉賢請

舊志

邢思淳武陟人歲貢生鄭恭王如舅王屢召請謝弗

顧曰我豈曳裾王門者

縣志

朱載堉鄭恭王長子恭王堯堉以世及之序讓載璽

疏凡七上乃得報堉兒時卽悟先天學稍長無師授

輒能累黍辨黃鍾演爲象法算經審律製器音叶節

和妙有神解嘗上書請正雅樂歷法比堯益端清世

子詔建議國高風坊賜葬九峯山所著有樂律全書

歷學新說等書行世

明史鄭堉王傳

何永慶字善夫河內人嘉靖進士授壺關令建城修

懷慶府志

卷二十一

人物

列傳

七

學補固安令治如壺關兩地俱祀名宦陞刑部主事

調兵部陞通政司叅議時上諭近臣曰何叅議舉動

不凡朕官中每學之其爲上所重如此歷右通政致

仕祀鄉賢

舊志

朱裳字則坤溫人嘉靖癸丑進士授工部主事遷兵

部郎中隆慶初出守河間陞雁平道副使調岢嵐道

叅政理互市敵伏銳兵以伺見裳率采矯然稱天神

不敢犯遷宣府右叅政復互市紅門西人桀驁裳內

嚴戒備外示羈縻終事晏然加二品服後以守正不

阿得罪左遷歸卒祀鄉賢

採何永慶墓志

劉思問字汝知孟縣人嘉靖丙辰進士爲蘇州推官

後補潞安痛懲豪右多所平反擢御史遇事敢言巡按雲南鳳繼祖爲逆討平之再按學江西所取士多一時名流隆慶五年轉僉都御史巡撫南贛贛界四省寇盜出沒用德威輝燠之移鎮福建海寇林道乾毒螫閩廣遣將授以方畧擣其巢穴悉就擒後累官南京戶部尚書以疾乞歸卒

採李廷機撰墓志

韓儼字敬夫修武人仕徽之婺源令縣多大族役屬其細民相沿成俗儼一以齊民視之有事到官亦以

是非曲直斷之民服其公正

採邱濬撰墓志

蕭守身字尚本懷慶衛人少受業於外祖何塘以嘉靖壬戌進士授襄垣令山城地瘠官署蕭條會修城

懷慶府志

卷三十一

人物

列傳

八

隍廟得銀器一窖鄉三老欲以佐令私用拒不納歷官戶部郎中抗言節用十八事上納之命刊爲定式理太倉督大同餉前後却羨金萬一千有奇大瑞馮保用事守身不爲屈觸忌出守臨洮調保寧陞鹽運使乞休家居二十餘年卒著有經書辨疑錄醫學管見及詩文集甚富墓草旣宿有蜀人張樸張望賢過之哭甚哀家人問故樸曰不佞窶人子先生鞠我先之教我匪先生安望捷南宮乎望賢曰幼聘某宦女以貧故宦家欲毀盟明公紿女出莫雁子公堂今已生子名德蕭矣又謂公以五百金開朝天嶺道巖險悉平今嶺上猶肖像奉祀云縣祀鄉賢

舊志

楊初東字元夫河內人隆慶庚午舉人授保寧推官  
補兗州讞訟無所枉陞戶部主事萬歷庚子辛丑間  
以鋪官冊立分封諸典禮強持中官不得飽其慾諸  
璫怒坐是爲郎十九年吏部請擢用俱留中後遷四  
川叅政以老乞歸長子之璋部郎次之璋舉人卒祀

鄉賢

採家傳

閻邦寧字仲謚質樸好學年五十舉嘉靖甲子鄉試  
第一隆慶戊辰成進士歷官松江知府遷山西按察  
副使居官淡薄以勤慎稱守松江時革除織造房陋  
規民德之祀松江名宦

縣志

李賀字上林陽武人隆慶中以真任滿城令訪民疾

懷慶府志

卷二十一

人物

列傳

九

若除賠累釋疑罪簡訟詞民威感德歸里後值歲祲  
施糧活飢民無算

國朝康熙元年祀鄉賢

縣志

趙馴原武人以明經授新安訓導遷孟縣教諭性孝  
友居新安時大司馬呂豫石敦請講學爲一時名流

所宗

縣志

胡希舜字用中邑教諭廷瓚子因家于原少負奇姿  
發萬歷甲戌進士歷官陝西左叅政所至著治績與

閻邦寧先後講學皆爲儒者所師

縣志

吳應舉字振健濟源人萬歷丙午孝廉不樂仕進卽  
所居開臨黃館與里中俊彥肆志詩文彙爲臨黃館

集崇正末年盜賊蜂起築坡頭土寨遠近親友避難  
其中全活甚衆五子皆能文縣志

王明波河內人萬歷癸卯舉於鄉授朔州知州清勤惠  
愛境內穀秀雙穗者千餘著有嘉禾集紀州志祀明

宦縣志

周佑字助也修武人萬歷戊戌進士出宰孝義縣歸  
里後益邃於學四方以文請者踵相錯所著有詩文  
等集行世縣志

王玉鉉字太阿修武人少嗜學文譽藉甚萬歷丙午  
鄉試第一爲文高古雅健有信陽北地之風著有秋

水篇數卷縣志

懷慶府志

卷二十一

人物

列傳

十

師教隆字訓臺萬歷乙卯舉人授衡州府推官抵任  
後逐奸胥左大貴等壺弊爲清捕獲巨盜數人羣黨  
皆走他郡奸民姚之舜曠其妻母誣陷人隆察其枉  
依律治之治衡五年廉明公斷詳見衡人德政錄縣志

李從諒字信甫懷慶衛人少不好嬉日誦千言以歲  
貢分訓鍾離陞輝縣教諭自少至老無謾語多士式  
焉以子政修贈奉直大夫祀鄉賢縣志

蕭守美字尚綱懷慶衛人少孤從母授章句輒抱書

泣比將貢太學首守美次唐生唐生老不能待守美  
讓之分訓杞縣陞順德教授捐俸葺學官賜多士不

能婚葬者攝邑令以清廉著卒祀鄉賢舊志

鄒之任字際可懷慶衛人幼失恃事繼母孝舉於鄉  
不輕入公門司理劉如龍指其名告人曰此吾澹臺  
滅明也授臨洮推官丁艱補鞏昌攝寧遠篆清徭革  
弊里人立碑記之祀鄉賢書志

顧師曾字唯甫懷慶衛人七歲能文幼見孀母孤苦  
狀每慟哭目為之腫長益自奮萬歷庚戌成進士卽  
表母苦節以聞上下詔旌之除清豐令有能聲陞刑  
部主事餉密雲軍卒於塗祀鄉賢書志

堵天顏字夢日陽武人萬歷癸丑進士任直隸清苑  
縣知縣歷任湖廣按察使陝西右布政使以邊警舉

才幹管關西道事縣志

懷慶府志

卷二十一

人物

列傳

十一

王所用字行素河內人孝子履七世孫登賢書纂  
邑志頗有典則萬歷庚戌成進士知福寧州下車擒  
海賊調守澤州澤強藩夙稱難治畏所用峻潔罔不  
馴報最為天下第一晉兵部武庫職方郎中武弁與  
金一切謝絕出為山西參政後遷方伯備兵上黨蠲  
除綱樣劾治壘令不少假令喚有力者擠之遂歸搆  
書香樓課子著有廣金人銘書香樓戒語卒祀鄉賢  
子玉汝以貢為句容知縣孫錫社

國朝順治丁酉舉人授大田令

採墓志及舊志

陳來朝字宏化河內人萬歷癸卯舉人仕深澤令陞

鞏昌郡丞監隴右軍有能聲卒祀鄉賢舊志

楊之璋字荆岫河內人參政初東子萬歷庚戌進士授陝西三原令清介自持威惠大著歷官戶部主事以終養歸魏璫竊柄郡國大吏爭先建祠頌德或持簿索金堅拒之璫敗補禮部首輔欲一識面卒不可遂請病少宗伯顧錫疇持其章不上璋投牒竟去生平於書無所不覽刻有靜業廿餘卷甲申春賊將劉方亮自澤州夜襲懷獲璋逼赴西安賦詩數章卒於

道

舊志

董勳溫人幼納采孫氏女患痘雙目俱瞽女父令其改聘勳曰命也義可負乎卒娶之生三子以明經任萊陽教諭訓士有法尋知萊陽縣山東循良稱第一

懷慶府志

卷二十一

人物

列傳

十一

孫汝楠貢生歷任常德教授

舊志

懷慶府志

張四極河內人事繼母孝以明經爲泗州學博正己率物士風一變歸後琴書自適不履城市人稱爲古

君子

舊志

楊嗣修字景歐河內人萬歷丁未進士授行人遷戶部主事出守衡州府平藍山臨武縣盜獠獯然化之調汾州陞登州副使再遷榆林道陞右僉都御史撫寧夏投効歸著春秋叙實編從心漫書若干卷郡城圯捐金爲倡家世栢鄉鎮鎮城圯復捐二千金又代邑人輸租六千餘金邑人德之年八十一卒子挺生桂林府推官孫奇蘊舉人慶陽府推官

舊志

蔡魁春字元之河內人萬歷初由選貢仕五臺令以均里甲繕城守爲先猝有寇薄城下春乘其無備出兵破之寇遁去解組後鄉鄰有緩急傾囊以濟不責報有故家子弟流落贈金令返里復業于毓秀萬歷

壬子舉人卒祀鄉賢

舊志

張繼宗字紹正溫人以歲貢官陝西華州訓導勤於訓課華士咸德焉華州缺守上官以繼宗賢能委攝

州事清正自矢包直不入未幾陞王府教授

探何塘墓表

范繼仁字助寰修武人以明經授九江通判輦米菽之官自給攝德化瑞昌星子三邑象皆以廉能稱歸

里置義田養贍其族祀鄉賢

舊志

懷慶府志

卷二十一

人物

列傳

三

韓爭春字太和孟縣人天啟乙丑進士任大理評事

言論持正不以私憾中傷人卒祀鄉賢

舊志

李初扶字慈我濟源庠生謹身勵行於經書子史多

所貫通鄭王府幕其名延之不就或勸之答曰藩府

未免尊驕我輩持師長體當不相得無致悔於後也

工文章編纂縣志序傳多出其手居家有禮法子孫

遵其教邑中推爲理學第一

孫振振字宜爾嗜學博古與同里李初扶爲莫逆友

年俱八十餘猶時相從講論達旦不寐

王立武陟人少勵清操崇正時以貢爲司訓署廣宗

縣事有奇策若干金王者曰故事當入立志止之曰

若屬溝壑我耶休致歸數椽僅蔽風雨暑月丙夜猶聞讀書聲舊志

郭天允濟源人陝西三水知縣卒祀鄉賢舊志

馮杞字禎明修武人由明經任啍縣令多惠政祀鄉賢縣志

賢縣志 國朝

薛應祥字平山孟人為樂安丞濱海多盜應祥明為

勸化陰鈎致之餘黨乃解散再任新樂丞旋攝縣事

時兵援朝鮮數萬眾所過剽掠民皆避匿應祥以俸

金易蔬米軍得飽食去擢容城令容城近京師大瑞

多恣肆應祥以禮訓之旋乞歸子士傑以明經為武

昌教諭探家傳

懷慶府志 卷三十一 人物 列傳 十四

張三就號竹林修武人崇正辛未進士孝友博學初

為朝城令有惠政攝濮州後擢兵部主事所著政畧

諸書行世縣志

遂臬字光古修武人貫通經史隱居不仕有清華等

集行世縣志

王賓王字太之修武人中已卯副榜所著有浮園等

集修武選舉志 失載

耿孕秀字九如孟人家世以儒顯秀蚤慧能文才名

藉甚見中原盜起官兵不能制憂憤甚作擬悲秋賦

廣引遠喻感慨悲涼有騷人風年三十六卒著蛩吟

集三卷縣志

胡崇震字青陽原武人叅政希舜之孫十歲工詩文  
明季草竊擾亂及原邑震倚其才辨潛出圍城將求  
援於他郡中途爲讐家所殺子公緒見孝義縣志

田尚德字敬菴温人幼穎異薄利名食饌時與趙某  
同列歲薦學使董以趙年老勸尚德先之復疏請給

尚德冠帶假汜水訓導尚德笑曰我真功名棄若敝  
蹠而受茲假職耶堅却之縣志

李杜才字燮圓武陟人年十五學於塾從破篋中得  
少陵詩數首愛之背塾師徒求三十里外購得全書

歸且行且讀道中見者皆笑指爲狂天啟辛酉試於  
大梁不售遂偕友讀書原城一日忽不知所之五日

懷慶府志 卷三十一 人物 列傳 五

後歸袖出王屋山記數千言示友曰自天壇徧歷諸  
勝所作也性嗜酒居父母喪則慘處斗室不內不飲

者三年崇正甲子中副榜檢平生詩文歎曰吾今知  
非矣因自號愧齋益肆力古文辭所著詩文集身後

散佚士林惜之河內令王漢哭於其家爲著傳採傳語

馬羲文陽武人性孝友以貢任寧國丞善於其職耻  
奔趨遂解組歸閉戶讀書慨邑志殘闕留心蒐輯手  
錄成帙今邑志多羲文之遺云縣志

胡田字念菴原武人少負氣膂力絕人明末流寇攻  
掠鄉邑田團練族衆爲自守計時礮烟隄土賊張習

孟最強橫官兵不敢討邑令開田義勇使往捕合戰

移晷城引梁刺田中口田壩折其粟以鈎鎌殺賊馮  
賊披靡而散令列其功上之軍府署田遊擊族衆畧  
守備者十三員鎮守本境未幾李自成別黨翻山鷄  
寇原境令復檄田拒之屢戰皆捷賊據樓自守田乘  
夜仰攻中磚石而亡族衆力戰死者二十七人惜其  
名字均湮沒無傳焉

沈志

國朝

劉天池字溟海順治初以歲貢任虞城訓導孝友著  
稱教士不倦卒祀鄉賢

楊挺生字循如寧夏巡撫嗣修之子爲諸生揮金交  
士士緩急倚之時有洛陽孝廉石岳以其堡民謀殺  
左良玉兵欲殺石以償又宗麟祥者魯山進士以事  
忤邑令令懲大吏褫服對簿挺生疾馳數百里外營  
求得脫然皆非挺生素識者入

懷慶府志

卷二十一

人物

列傳

六

國朝歷任開封府補平陽府推官丁父艱補桂林以疾  
不赴先是逆闖繫維鄉大夫實關中時嗣修八十一  
歲矣挺生掖老父潛居雁塔寺卒能迂道窳谷全首  
傾歸卒祀鄉賢子奇蘊舉人慶陽府推官  
李政修字粹然懷慶衛人萬歷丙辰進士

國初以薦補淮海道所至不肯曲意下人卒於官祀鄉

賢

史應選字仲甫河內人萬歷丙辰進士

國初知濟南府遷南瑞道嘗著人箴一則有云心逸日  
休者天下拙人心勞日拙者天下巧人卒祀鄉賢  
沈嘉顯字岫陽先世吳江人明初戍燕京左衛隨鄭  
卿之藩遂爲河內人家故貧常急人之難中崇正甲  
戌進士

國初爲慶陽道賀珍攻西安急全陝震動嘉顯漚酒誓  
將士卒奏捷尋擢西寧道值回變將士用命如慶陽  
遂殲其渠餘悉就撫當事多誅求不能應竟被劾家  
居祀鄉賢

史應聘字任甫應選弟天啟乙丑進士

國朝授潼關兵滿道撫張靖寇皆所夙嫻以疾乞休卒

懷慶府志

卷二十一

人物

列傳

七

祀鄉賢

范印心字正安少豪宕不羈順治丁亥進士知崞縣  
有能聲會姜壤叛僞檄日三四至輒手碎之斬其來  
使賊怒來攻印心堅守危城鬚髮爲白卒平其亂以  
功陞戶部主事權稅西興持大體不尚苛細商旅便  
之遷浙江杭嚴道轉口北道尋補河東卒祀鄉賢  
實可權字雲明順治己丑進士授汾州府推官清介  
自矢大吏利富翁懷璧以事囑可權卒不應或伴爲  
視寢秘置十鎰於牀褥間可權檢還之分校晉闈所  
得陳公廷敬等皆一時名宿屬吏有升秩者上官挾  
其陰事泥之可權執不可遂投劾歸居家以孝友聞

卒祀鄉賢

王之翰字大宗崇正壬午舉人少值歲祲自郡取餼金歸塗遇友人子困甚輸出金子之入  
國朝知沔陽所部或以賂進笑曰博士弟子尚不愛餼餒從大夫後肯以苞苴損節耶沔陽人德而祀之  
成王臣字廷弼明末諸生嘗從父游輩洛督師孫傳庭自秦關進勦河南北轉輸者會大雪飢寒不能炊王臣乃煮粥濟人人

國朝中順治辛卯舉人補襄城教諭擢知三河縣罷徭役值建

陵園民負石水上手足戰瘰王臣代以車運比壘誤民千懷慶府志

人籲

卷二十一

人物

列傳

六

闕請留任考最擢知景州清操自勵乞老歸築室沁水之陽讀書其中性篤孝友母喪毀瘠至不能起立里人咸服其孝義焉

范發愚字元頴順治丙戌進士知廣靈縣姜瓖之變奸民有爲賊內應者捕得立寘諸法飛檄乞援大同兵至城賴以全先是土人或據堡自固有謂爲叛者俘其老弱發愚曰民避死耳非叛也若輩堅壁清野不愈於開門揖盜耶卒索老弱歸之權稅揚州海寇笑至率家丁堅守得無恙卒祀鄉賢

鄒珩字石玉順治己亥進士歷任臨洮府同知監河

州軍時番人窺

國家用兵巴蜀突圍河州玆單騎至番營數其三罪立  
解去鄴人姚月攀卒於官不能歸葬已二十年會玆  
擢知東昌府爲姚子措輿視之需偕使歸鄴人至  
今高其義云

楊運昌幼遭寇變流離中手不釋卷中順治丙戌進  
士由庶常歷任工部右侍郎居官二十七年凡應詔  
陳言俱切中利弊因母老終養歸卒祀鄉賢

任倫備康熙庚戌進士知永寧縣寧俗生女多不舉  
備示境內有報生女者免其徭役存活不勝數擢考  
功司員外卒祀鄉賢

懷慶府志

卷三十一

人物

列傳

九

蕭家芝字紫眉慷慨負氣不輕爲然諾河內令王漢  
甚重之督學黃閏中奇其文呼爲蕭兄而不名入

國朝中順治壬辰進士歷官刑部郎中將恤刑江左誓  
於朝曰殺人以媚人某不能也明年恤刑山西人不  
敢干以私時當姜壤亂後芝手繙爰書恒漏下三十  
刻不休至代州嘔血數升釋大辟七十人巡按詰以  
以宥多狀芝曰當論公私不論多寡秩滿入都以失  
出降級遂歸居丹林三十餘年當事者重之修郡志  
成書有丹林集六卷行世弟家蕙子瑞延瑞苞

家蕙字樹百少儻善文與家芝稱二難順治乙酉  
與兄同舉於鄉丁亥先成進士授朔州知州歷官戶

勳員外

瑞延字仲常幼聰慧工詩有甘谷園詩一卷以疾拘  
學老於家子健康熙丙子舉人

瑞苞字叔方總角爲文每出奇語年二十二食餽屢  
試不售益肆力於古問奇者戶屢嘗滿年踰四十貢  
大學偕喬騰鳳重修府志康熙四十四年銓授浙川  
教諭卒於官著有洛陽山房文稿燕石草

賈光烈字冊馨順治己亥進士知英德縣新文廟設  
鄉學讀律令俾人知所嚮先是英有兩驛曰偵陽曰  
清溪民苦供億光烈以地非大衝請裁清溪驛邑民

懷慶府志

卷二十一

人物

三

王宣幼聘劉文女宣家中落文思毀盟訟於庭光烈  
趣吏昇肩輿使宣迎婦歸仍捐俸治奩具英人爲之  
歌曰椽吏娶女從事具車錦襜褕繡襦襦鼓聲殷殷  
迎者姝闐城溢郭歌且飲陳某者大猾也光烈出不  
意擒治之寘諸典陳之黨以蜚語中傷光烈竟罷歸  
有唁之者笑曰吾道當如是也

張鐸字宗尼居家孝友以禮法自持雖博學能文慊  
然知不及後以歲貢司訓嵩縣訓迪不倦士人思慕  
之

范淳字伯諧其先山西洪洞人曾祖戶部尚書濟世

自濟源再遷河內遂著籍焉

濟世名見於明史方淳從哲傳時爲給事中

自少力學博覽經籍必探其旨及壯潛心理學藏朱

子書榜其室曰朱庵志篤信也又類宋儒語爲笥中  
五集康熙雍正間當事者累薦之會病不能赴知府  
任應烈重其品端學粹延致懷仁書院教授生徒一  
以白鹿洞學規爲法卒年七十有三淳弟濬亦傳學  
好古至老與兄讀書東湖別墅昕夕不倦時賢稱二  
難云

王紹文雍正壬子舉人任天津長蘆場鹽大使場有  
真木置河灘水暴漲將漂入海紹文立木上曰吾職  
司典守誓與此木俱存俄而水平人以爲忠誠所感  
云

王兆鰲字元素康熙甲午舉人讀書以古人自期充  
懷慶府志 卷二十一 人物 列傳 三十一  
教習期滿

欽賜內閣中書告歸後嗜學不倦樂引後進者有五倫金  
鏡錄並瘞瘍文年垂九十而卒子錫璋錫琢

錫璋字丹麓雍正己酉拔貢後發往江南委用以不  
敢違膺民社呈請國子肄業登進士任翰林院編修  
卒於官著有勸孝瑣言一則

錫琢字宸青乾隆戊午舉人以孝聞父沒每歲時家  
祀輒悲咽流涕性澗達喜施與舉動必以禮任河南  
府宜陽縣教諭選承興縣知縣未至官卒 以上俱  
河內人

段國璋字王屋明萬歷己酉舉人  
國初以薦起仕至太常寺卿遷工部左侍郎卒祀鄉賢

子昌祥鄉賢

昌祥順治丙戌進士幼遭闖寇亂負親避難山中得免初知平順縣調南樂有廉直聲以薦授中書舍人轉工部主事督理

陵工復管寶源局能疏通錢法公私交濟以病乞休卒祀鄉賢

綿祚順治乙酉舉人任上蔡縣教諭訓迪諸生以德行為先祀鄉賢

劉漪號蘇門順治丙戌進士歷官廣東道監察御史按山右舉劾無所徇

國初濟邑鹽課困于征輸漪力言於讎使奏免復

懷慶府志

卷二十一

人物

列傳

三

命後風操益勵免官家居輯叙邑乘以簡嚴稱

許宏遠家貧好學以貢生任武安教諭署縣事有胡汝寧者以非辜坐大辟宏遠廉得實申請釋之安人頌德焉

侯榮圭順治辛卯舉人知靈石縣政平訟理靈石舊有水利爲鄰邑權勢所奪榮圭力爭之曰不能爲民直此事不願官也遂得請立界修隄靈人立祠祀之

見靈石縣志

璩美斯歲貢生博通經義議論一本程朱河濟之間學者宗焉訓五子俱登巍科以子廷祐貴贈監察御史康熙四十九年祀鄉賢

廷祐字受茲弱冠成進士知建德縣以廉仁報最入諫垣正色立朝尤惡聲氣康熙五十一年條陳豫省漕運之弊立貴賤通融之法出爲鄖襄道內擢光祿少卿病歸弟廷慶字來章康熙壬辰進士亦以文學著

段允持字堯咨國璋之孫初授四川江安縣知縣署叙州府永寧同知時方有事西藏檄調永寧兵馬藩司賞銀未發士卒觀望不前允持卽以應解稅銀散給江安鹽井久廢募民開鑿至今利賴鎮雄土知府惡其民逃入內地請解回卽行拆賣允持不忍其骨肉離散請於巡撫乃安插內地陞授鑾儀衛經歷

懷慶府志

卷二十一

人物

列傳

三

段志熙字百維國璋曾孫以廕職歷郎署出守沅江樓霞山有泉可灌民田志熙捐貲疏鑿沅人賴之魯魁山劇賊聚衆數千志熙單騎往撫賊感泣解甲一方以寧擢寧台道留浙江布政使杭城民居稠密竹籬板壁不戒於火志熙定恤災之例捐修沿城石塘並督修城中河道海寧海塘以勞瘁卒於官崇祀鄉賢子景文丁酉舉人官員外郎元文任泰州知州元文字正起志熙次子由貢生歷官泰州知州留心民瘼凡有設施皆爲長久計然性素耿介不事營求卒以細事被議歸著詩文集行世

李端郡諸生幼極貧負販謀食夜則讀書其學務求

實踐一以程朱之說爲主訓迪後進貧者資以膏火  
必使成才以子紹周貴贈翰林院檢討卒祀鄉賢  
紹周字次公康熙丁丑進士授翰林院檢討考選御  
史首疏請治西北溝渠以備旱潦再疏陳西北蠶桑  
之宜以盡地利先後巡視中城請托不行課子姪甚  
嚴子珣姪瑛各有傳卒祀鄉賢

瑛字玉璽康熙丙戌進士知仙遊縣慎於用刑有賊  
夜殺人捕未獲禱于神得之人呼爲白面包公歷任  
吉州知州河間府知府俱能興利除弊開渠於景州  
成沃壤千餘頃改調大名以母老乞歸

珣字琛伯天性孝友九歲值生母病朝夕侍床褥弗

懷慶府志

卷三十一

人物

列傳

五

肯離及沒哀毀逾於成人由舉人選黃梅知縣陞桑  
植同知其地隸土官舊俗姑女必嫁舅子每有舅一  
男而娶姑數女者珣委曲開導舊俗一變調永順保  
靖二司所治鳳鳴竹溪諸灘多巉巖大石舟觸卽碎  
錘鑿莫能勝珣於水涸時架木焚燒石皆崩裂往來  
者頌德焉雍正六年開闢田疆奉檄委同先鋒王進  
軍苗地珣推心置腹每單騎出入苗寨諭以大義曉  
以禮法無不向化歷陞湖南糧儲道仍留駐沅州總  
軍務事

詔書優褒晉秩按察使丁內艱服闋

授山東按察使清理積案多所平反方珣之總軍務也黔

苗猖獗玉屏清溪等處連次失陷難民不下十萬叢  
集於沅珣聞信分委屬吏查造戶口數飛撥各屬運  
倉助賑衆以擅動爲嫌珣曰有罪我自任之君等無  
與也卒祀鄉賢子七長友善泰州知州

侯錦章雍正癸卯舉人任湖南嘉禾知縣署永州府  
通判所至有賢聲以母老就教職改補夏邑教諭居  
官十四年崇學校振儒風且熟於吏治百姓戴之

衛哲治字我愚由拔貢生

廷試授贛榆知縣調鹽城邑北門外滙上游七縣之水入  
海內水弱則海潮越口而上致全河鹹苦不可飲甚  
乃漫溢民田哲治爲建閘立斗門五磯心四又建越

懷慶府志

卷二十一

人物

列傳

三

開蓄洩有備化斥鹵爲膏腴沿灘築土墩九十餘坐  
以防大潮猝至漁者得就墩逃溺民號之曰救命墩  
遷知海州歲荒設法活飢民無算擢知淮安府時河  
決陳家堡漂溺男女巫遣小舟數百載餅餌分給流  
移涉風濤存問民慶更生歷陞安徽巡撫皆有政績  
擢工部尚書以疾固請回籍卒於家子時敏廣西知

縣

周桂齡字聞六御史維新曾孫以歲貢授永城訓導  
守官箴端士習有某生被誣行學褫革桂齡力爭之

得免

段維袞字補五泰州牧振蛟長子康熙甲辰進士

南充知縣有善政所著詩文稿甚富纂修縣志考核  
精詳

段敬修字安伯維袞子司訓鄭州化學校雍正間例  
當改調以母老歸里兩弟早逝敬修撫姪如已子歲

荒捐粟助賑施地基造普濟堂邑人推重之以上俱濟源人

姜參龍字雲從鄙五世孫兄躍龍貢生善屬文參龍

從之學戊子舉於鄉除山東泗水知縣多惠政陞雲

南路南州知州病歸卒泗人相率來哭之不忍去

成觀光字賓王少孤事母以孝聞順治丙戌進士除

清源知縣有惠政以堅守孤城屢拒劇賊擢刑部主

事家居尤勇於義卒祀鄉賢

懷慶府志

卷二十一

人物

列傳

五

范正脉字介子繼仁仲子順治己丑進士授檢討改

戶部主事旋出為長蘆運同輸家粟以賑流民代貧

商輸逋課不責償遷兩浙鹽運使未任卒平生嗜學

如始至老不倦祀鄉賢正脉兄正宗字晴麗拔貢生

亦薦學工詩

趙旭字用九康熙丙辰進士授直隸蠡縣知縣清廉

方正擢御史生平周恤鄰黨排解急難人多德之卒

祀鄉賢

趙敏字健行旭之子生而穎異以貢授羅山訓導教

誨不倦捐置學田贍諸生之秀傑者後補桐柏學引

年歸有別墅在寨裏邨蒔花植木以詩酒自娛年八

十餘卒

范琰字璋八康熙戊寅以選貢授汝州郟縣教職有  
劉斯和者家貧琰愛其才令就學署中且時周其家  
劉後登進士選庶常人皆服其藻鑑與兄珥友愛白  
首無間

王夢賚字相樞康熙甲午舉人後中明通榜補項城  
教職謁選授高台知縣調婺川民艱俗悍素稱難治  
夢賚強幹有吏才莅任五載以治稱

邵建元字長萬初元父臨終遺命曰家貧非病惟不  
讀書乃真病耳元因奮志讀書母教甚嚴元承順維  
謹中康熙癸巳舉人以未竟先志爲憾性剛直遇公

懷慶府志

卷二十一

人物

列傳

七

義所激常奮不顧身邑人咸信服焉

范楷字端直康熙壬午舉人除瀘州州同州屬山路  
險要往來甚艱楷出俸鑿石開道踰百丈土人稱之  
爲范公路未期年卒於官士民哭送者數千人

吳周聚字十友雍正甲辰舉人性孝友訓誨生徒必  
以端品立志爲要父母歿喪葬之禮悉準於古平生  
樂獎就後進年八十二卒

李夢松字蔭岐由貢生任桐柏訓導性孝友博聞廣  
記尤愛詩歌所著有新增等韻初學訓蒙草訂正喪  
禮儀節韻學指掌圖諸書皆足爲後學法

范令譽字公永幼嗜學博極羣書中康熙己丑進士

選庶吉士工於制藝爲士林冠冕

以上俱修武人

徐允昌字宜繩先世山西籍明洪武中遷武陟昌髫齡以孝聞中順治丙戌舉人官陝西鞏昌府推官會戍卒作亂昌單騎往以大義諭之其黨遂散軍民悅服坐他事歸里檢古今名醫方論施藥活人遇人有貧苦患難尤加意矜恤之

李生芳字世唐順治丙戌進士任行人擢戶科給事中出爲涼州道轉懷隆兵備道懷隆遠在塞北兵民錯處稱難治芳按部分理一時治聲騰都下爲不協者所排遂歸里遇地方利害留心區畫請罷黃河夫役築沁隄數十里邑人德之卒祀鄉賢

懷慶府志

卷二十一

人物

列傳

三

何煥字中含以選貢歷官葭州知州廉能著稱總督于公成龍至嘉嘆不置洵以病歸遂卒先是煥父璉育其兒子同已出既歿煥遵先志唯謹家雖貧猶歲爲辦官稅長子居廣辛未進士任保定知縣興利剔弊四境大治已行取回他事望誤歸

李如蘭字九畹順治壬辰進士授任聞喜縣聞喜歷年正供缺額至二萬六千四百兩有奇前官選選以誑累去蘭臚陳其弊力請於上得奏免擢吏部文選司主事尋遷郎中讞江右關中獄清正之聲聞於朝累遷光祿少卿通政左叅兵部督捕理事乞歸家居三年卒子倫僂倬皆有父風

李元禮字龍門康熙丙子副車絕意進取教授生徒發明程朱宗旨先是明末寇亂中丞王漢致書幣欲延之幕府辭以親老不就及居喪哀毀骨立葬祭如禮

王化鶴字六翰康熙丙辰進士任翰林院編修甲子典試雲南有得人之譽性至孝母病湯藥必親嘗衣不解帶者累月居喪哀毀骨立歲飢傾貲捐賑大虹橋渡口設義船捐地養給榜人至今便之卒祀鄉賢千耀字含輝庠生事親孝博學多識工詩賦課子弟嚴而有法子大千生子九人殊兆成進士超紳登賢書餘皆有學行

懷慶府志

卷三十一

人物

列傳

五

李耀字子昭族父如蘭器重之以已酉舉人官尉氏教職所造就多成良士歷伏羌知縣舊例官馬養之間閭民甚苦之耀至革其弊邑故磽瘠加意撫綏不踰年改觀以註誤歸里詩酒自娛者二十餘年

徐大生字乾如允昌仲子康熙丁巳舉人官蕭縣知縣留心利弊疏濬洫以備旱澇嘗謂害不除則利不興必自剪鋤衙蠹始邑鄰東省地多山谷宵人恒多出沒已丑奇荒鼠竊蝟起大生誅盜首力行保甲固守池隍百里寧謐莅蕭十三載以疾卒於官

雒倫字襄菴以辛未進士秉鐸新鄭後知繁峙縣摘發若神性端方廉靜介然不苟典籍而外無他好嘗

以許文正何文定爲法及居林下以曲成後學爲已  
任著周易晰義一編未竣而卒

李祚錦字文震性穎異工於文年十三補諸生康熙  
戊午舉於鄉考授中書舍人同邑庠生何彤鼎甘貧  
守約亦工文

趙完璧字王珍品行端方人慕效之康熙癸亥以歲  
貢任閩鄉訓導卒於官其子作舟扶襯歸士子皆泣  
送數十里

孟簡臣字金甌廩生以學行著子吉圖康熙己卯舉  
人任江南亳州州同

高爾荃字蓀園居家孝友官教職勤於課土工書有  
懷慶府志

董文敏筆法

卷二十一

人物

列傳

三

高青翼號青峯庠生爲雒倫高弟子得易學秘傳從  
遊甚衆乾隆三年巡撫尹公延充社師嘉其老而勤  
慎年逾九旬而卒學者稱爲青峯先生

宋錦字在中先世順天大興人始祖友以前明開國  
功封武畧將軍後隨藩封由陝西至懷慶高祖芳郡  
庠生始遷武陟錦中雍正癸丑進士授四川犍爲知  
縣政簡刑清惠聲大著邑有鹽井久涸力請之上官  
捐除額賦俗故不知種棉錦督令以時種植民享其  
利徙知合州值金川用兵例供轉輸時議由陸運錦  
委曲陳狀得改水道川東諸府縣便之再補廣東德

慶州調崖州陞瓊州府同知保薦知府以病歸卒於家所著有西川嶺南二集

毛景遂字仲穎幼失怙事祖父以孝聞弱冠食餼邑庠試輒冠其曹然屢困場屋晚歲惟以書史花木自娛視一切聲華靡麗泊如也素精岐黃之學全活甚衆貧乏者兼贈藥餌無德色乾隆丙午以明經謁選值大吏奏應

恩命賜舉人丁未會試禮部奏者年宿學四十八奉

旨授翰林院檢討景遂與焉年八十卒於家子哲睿濬俱

力學哲乙酉選貢官教習以知縣用

以上俱武破人

吳國用字公輔順治戊戌進士任衛輝教授遷永豐

懷慶府志

卷二十一

人物 列傳

三

知縣永豐田土多爲豪強隱蔽賦役偏重國用廉得其狀履畝清核積困以甦縣與閩境比歲飢閩人流入境者國用調粟拯救安集得所南鄙嘗不戒於火風勢甚熾國用徒跣拜祝風反火熄邑民以至誠格神比之江陵劉尹云

楊兆鏃字位南篤嗜經籍嘗竟日不舉火怡然安之與人交胸無城府康熙戊戌進士歷官禮部郎中以疾卒於官

周大律字叶六雍正甲辰進士仕溧水知縣以催科

政拙罷黜時房師王公國棟撫吳欲爲洗滌大律以

母老固辭歸益探討伊洛諸書教授生徒四方知名

士多出其門

益平 漢 唐 宋 明 清 各代 皆有 其人

張之良字素臣膂力過人少好遊俠仗策從大將軍

南征以功歷任遊擊常較射

行在之良發軔中的

賜御袍及字一幅封驍騎將軍之良訓練有方後陞平陽

參將未任卒

張纘緒字滙宗參政斗次子康熙三十一年歲貢生

少聰敏嗜學尤潛心伊洛之書燕居必正衣冠教授

生徒動有規矩文章皆本經義

鄭秉璧字獻君品行端方居城闔中足不涉縣庭以

歲薦任內鄉訓導

以上俱 溫縣人

懷慶府志

卷三十一

人物

列傳

三

宋民樂沈邱教諭秉性孝友飭行端方順治初任即

西訓導邑陷於寇攝縣事招撫流移多惠政

楊四畏平涼府同知祀鄉賢

湯允昌平津訓導祀鄉賢

程可順字孝先喜讀書有勇力挽弓三石餘晝則集

友習射夜則焚膏繼晷人詢其故曰天下將亂聊以

備耳天崇間所在盜起練義勇宿塚下讀孝經琅琅

終日夕賊怪之無敢窺者

國朝順治中以歲貢仕咸陽訓導教弟子每月告各述

所事檢其言行嘗謂人曰凡學者學為忠與孝也雖

匪窳刻巧何益乎著遐思堂集三卷子鳴舉

鵬舉字亮四精岐伯術多奇中嘗曰當使賢相不開  
牛喘其自信如此康熙四十八年以歲貢爲夏邑訓  
導歲大飢歸德守陳堯策委以賑荒事乃晝夜行泥  
淖中親察虛實持斗斛里胥無敢濫邀踰年又大疫  
復捐已資合藥餌躬散給之疫息歲大稔當事交章  
薦之以母老辭著有萱堂集行世鵬舉家篤孝友五  
世同居母韓氏鵬舉事之至孝有傳列女志中

□□□□□□□□順治乙未進士授戶部主  
事權稅淮關值海寇煽亂設保甲之法嚴察奸宄淮  
民始安歷遷吏科給事中剛直敢言時楚中郝寇餘  
孽盤踞山谷發禁旅往勦議以豫省民夫數十萬運

懷慶府志

卷三十一

人物 列傳

重

餉濟師人心畏懼□□力爭於執政以爲不可議遂

寢轉光祿少卿丁內艱歸遂杜門不出以上俱孟縣人

張燦然字天章幼岐嶷厚重聞孫徵君鍾元先生講  
學蘇門山徒步往從先生深器重之二年辭歸先生  
送以詩有天章多慧根之句由是從遊者日衆每與  
門人講論畢卽屏居一室端坐終日所著詩文甚富

孟文升字重華由明經授直隸束鹿知縣邑豪竄名  
軍府夤緣官都司歸里後與其子藏匿亡命爲不法  
文升至廉得其狀立斃之率吏卒檢其家諸亡命皆  
倉猝不及備搜獲良民婦女十餘人還其家鹿人歡

呼載道立祠祝之

戚一變字望魯學問淵博邑志自閩邦寧能修後越  
數十年邑令詹公延一變積修焉以齒德舉鄉飲大  
賓年七十餘卒

高韜字六也康熙壬子拔貢授業縣教諭以氣節激  
勵諸生勤加考課捐俸金以備膏火士風日盛學使  
湯西厓先生按試南陽見葉邑文風爲一郡冠題請  
改爲大學葉人士愈尊崇之事詳葉縣志

牛自新康熙乙卯舉人仕國子監學錄有詩名王新  
城尚書稱其博雅

薛昭字彩玉雍正癸丑以選貢遊太學歸遂絕意仕  
進築室西苑講學其中教人以崇實務本爲尚詩古

懷慶府志

卷三十一

人物 列傳

薛

文詞皆雄健有古人風力所著有學庸講義稿

薛增字藍玉以明經授武安司訓禮法自持不肯苟  
同流俗會邑有公講衆技雜陳令長及僚屬皆歡呼  
相戲謔增屏坐一隅未終席竟長揖辭去年六十卒  
於官所著有西堂詩稿

王芳壁字光序以明經授靈寶司訓靈邑士風凌競  
訟必捐賄求勝壁至教諸生以禮積習一變

李振秀字曉元以明經任江南清河知縣值水災爲  
民請豁額米三千石百姓感恩立祠後以年老致仕  
歸舉鄉飲大賓

姬大訓字陳西以明經授靈寶教諭再補濟源陞湖

南沅江縣知縣沅經吳逆後百度廢墜甫下車訪民疾苦多方撫綏康熙五十八年湖撫以題請復額事檄縣履畝清丈沅尚缺額地八百餘頃大訓曰蕞爾邑流亡甫集可以重負相累乎具狀請減屢請乃報允由是照例請減者十五邑

楊之琦字伯珩康熙壬戌進士授山東濟陽知縣濟邑向日額設遞馬皆分養里甲民甚苦之琦移置團槽於公所官備芻豆垂爲定則後值蝗災琦捐穀易蝗蝗爲掃跡立義學出俸錢以備膏火後卒於官

楊應瑛字西山雍正己酉拔貢

簡發江蘇邳州災瑛奉檄辦理賑事額銀不足出囊中金

懷慶府志

卷二十一

人物

列傳

十一

先發後聞邳民均霑實惠後署靖江額有巡海哨船一壞不忍困民爲捐俸造置靖民感戴立祀尸祝之

徐光業廩生以孝義聞教授生徒先行後文恒以干

進爲戒士人重之

以上俱原武人

趙賓字珠履順治丙戌進士任淳化知縣以賢能陞刑部主事爰書案牘盈几閣無滯獄歸里後徜徉泉石有詩名與申臯盟宋荔裳等號江北七子著有學

易菴集

張慎爲字含銳順治丙戌進士官浙之長興縣問民疾苦立社課士然性骨鯁以不善事上官投劾歸讀書不輟兩修邑乘所著詩文集藏於家子尊性見孝

義

盧鑄字禹鼎幼而好學明崇正間盜賊峯起人相食鑄儻客舍讀書不輟人笑爲迂不顧也登

國朝丙戌進士爲江南道監察御史彈劾不避權貴不半載罷歸絕意仕進優游林泉以壽終

郝紳翰字卧灘順治丁亥進士任邵武府推官刑刑平允民不稱冤再補江南太平府推官政事一如邵武有張釋之風解組後治還園於東郊足跡不履城市三十餘年而卒

王永祚號錫穀始祖自上蔡徙陽武至永祚十一世業儒永祚就外傳時卽能背誦十三經康熙戊午登

懷慶府志

卷三十一

人物

列傳

美

賢書益潛心理學與孫夏峯孫靜子遊凡夏峯遺書皆參稽焉庚辰始捷南官相國有器重之者未及薦用以病卒

夢麟字振公永祚子雍正間以賢良方正薦試用山東知縣署齊河同知適雷雨傷稼奉檄查勘坐木板浮泥水中行二十餘日繪圖上告得發賑以濟民飢後以病歸杜門家居不預外事子寅乾隆辛酉舉人張素履字西園本江南五河人始祖彥禮爲陽武令

遂家焉父爾韜順治戊子舉人素履以庚辰進士授建德知縣訟平賦均時舊例正供外率派四千餘金作公項素履詳請革去建民感戴巡撫以清官第一

薦候補吏部主事病歸卒於家

趙五雲字朝奏性至孝親歿三年斷酒肉不入內室  
與人交有面折無後言伯父賓文章鉅手雲少以猶  
子侍杖履盡窺堂奧為文奇博典麗兼工詩歌數奇  
不偶竟以諸生終所著詩文集藏於家

以上俱陽武人

懷慶府志卷之二十一

懷慶府志

卷二十一

人物

列傳

三



不偶放以翰坐辨頂普尚文兼藤叙卷

午科村風盡

與人交有面折無後言伯父賓文章鉅

此正運字師表封廷奉康嬰三平湖首肉不入內室

贊為詩其師生傳既建奉叙卷

人物志

忠節

晉

毛寶字碩真陽武人温嶠平南參軍蘇峻作逆嶠將  
 赴難而陶侃懷疑嶠屢說不能廻從寶言追信改書  
 侃果共征寶領千人為前鋒嶠嘉其助上為廬江太  
 守寶軍懸兵少為煥撫所中箭貫髀徹鞍洗瘡訖復  
 還救桓宣進破合肥峻死封州陵縣開國侯千六百  
 戶庾亮西鎮請為輔國將軍隨亮討郭默默平亮謀  
 北伐寶以萬人守邾城求救于亮亮不時遣軍城遂  
 陷寶率左右突圍出赴江死者六千人寶亦溺死升

懷慶府志

卷二十二

人物

忠節

平三年下詔復本封寶二子穆之安之

晉書本傳

毛璩字叔連穆之子為謝安參軍除尚書郎轉安子

琰司馬淮淝之役遷淮南太守歷譙梁二郡內史尋

代郭銓為建威將軍益州刺史桓元篡位遣使加璩

爵璩執遣元使不受命傳檄遠近列元罪狀安帝反

正璩與西夷校尉瑾蜀郡太守瑗皆進爵初璩聞振

陷江陵使瑾瑗順外江而下使譙縱領巴西梓潼三

郡下涪水當與璩軍會于巴郡縱因人情思歸反還

襲涪害瑾璩在峒城遣參軍王瓊討反者相拒于廣

漢璩下人受縱誘說遂共害璩及瑗并子姪之在蜀

者一時殄滅璩子洪之嗣義熙中論璩討桓元功進

封歸鄉公

本傳

唐

劉正臣武陟人初名客奴戍雷州以材力顯開元

中室韋段普洛數苦邊節度使薛楚玉使客奴單騎

襲斬其首以歸拜左驍衛將軍安祿山反副使呂知

誨降賊客奴與諸將共殺知誨天寶十五載爲柳城

太守攝御史大夫平盧節度使賜名正臣遣使道海

至平原與顏真卿相結真卿喜且請出師未至而真

卿棄平原乃還因襲范陽爲史思明所敗安東將王

元志醜殺之

唐書陸長源傳

懷慶府志

卷三十二

人物

忠節

二

杜廙武陟人祖儒懷州刺史父損左司郎中爲鄭州

錄事參軍死史思明之亂贈吏部郎中

舊志

宋

傅察字公晦孟州濟源人堯俞從孫登進士第歷遷

兵部吏部員外郎宣和七年十月接伴金國賀正旦

使或勸毋遽行察曰受使以出聞難而止若君命何

遂至韓城鎮積數日數十騎馳入館強之上馬行百

里許遇幹離不領兵至使拜察曰吾若奉使大國見

國主當致敬今來迎客而脅我至此且太子雖貴人

臣也當以賓禮見何拜焉植立不顧察知不免謂官

屬侯彥等曰我死必矣若等萬一脫幸記吾言告吾

親使知我死國少紓其無窮之悲也彥等至燕密訪  
存亡曰殺之矣將官武漢英得其屍焚之裹骨命虎  
翼卒沙立負以歸立至涿州金人得而繫諸土室凡  
兩月伺守者怠毀垣出歸以骨付其家時年三十七  
乾道中賜諡忠肅

宋史本傳

史抗濟源人宣和末爲代州沿邊安撫副使金人圍  
代急抗夜呼二子稽古稽哲曰吾昔語用事者鴈門  
一道宜擇帥增戍言雖切皆不吾省重圍旣固外援  
不至吾用六壬術占之明日城必陷吾將死事汝輩  
亦無以妻子爲念而負國也二子泣曰惟命明日城  
果破父子三人突圍力戰死于城隅

本傳

懷慶府志 卷二十二

人物

忠節

三

元

閔本字宗先河內人性剛正敏給始爲御史臺掾平  
反寃獄有聲五轉爲吏部尚書移戶工二部皆以能  
稱明兵薄京城乃北面再拜大書其職銜姓名于屋  
壁與妻程氏及二女真真安皆縊死

元史本傳

明

李英武陟人洪武初授沂州衛指揮簽事轉驍騎右  
衛從傅友德征雲貴有功會烏撒諸蠻叛英率所部  
戰于壁巖野構斬數百人而死太祖遣官諭祭葬紫

金山贈鎮國將軍指揮使

按李英載大名公事傳事簡故採舊志

廬江王朱載堙鄭簡王元孫也崇正十七年二月闖賊陷懷慶不屈遇害賊擁其長子翊樞北行于定興旅店作絕命詞不食死

衛正印河內人崇正五年從游擊黃士英分汛太行督土兵百餘人啖菜根不飽寇至執印印怒罵曰我本菜傭上官假我守備職豈肯與若曹伍賊立磔之郟天德河內縣民崇正五年流寇至天德父子五人同罵賊死

趙壘河內人以土兵禦寇戰死毋妻子皆自盡何炳若河內人以歲貢司訓霍邱逆闖陷城罵賊不屈而死贈國子監學錄妻潘氏見列女

懷慶府志

卷二十二

人物

忠節

四

張鵬獅河內人明末寇據天壇獅以武舉攝監兵中軍先登督勦寇張兩翼圍獅獅衝擊兩晝夜救援不至死之

李世藩懷慶衛千戶年少文弱如諸生而精悍敢戰崇正末禦靈寶寇為伏弩中股藩披矢益進又中臂猶力戰及中腦折楛殿後全軍歸腦鏃潰不可藥臥疾于孟未死前猶日與健兒飲酒彈箏高歌相和士皆垂泣而藩意氣自如越數日卒

閻士選濟源貢生先以行優為督學推獎有守身如處女慕親若嬰兒之語後為鞏縣教諭署縣事崇正末流寇攻城堅守八晝夜城陷罵誓不屈死之祀鄉

賢

王三俊濟源人有勇力鄉人號曰虎頭河內令王漢假三俊千總從剿賊所向有功後征賊至李家溝官軍失道俊以所部數人與賊鬪力盡被執不屈死

李養麟濟源諸生爲流寇所獲逼爲參謀不從賊怒殺之

李存心石天祿張內實許士彥俱濟源諸生遇寇亂以不屈死

錢養士字望雲孟縣人爲諸生有幹濟才河內令王漢勦濟源巨寇聞士名辟麾下士陳方畧佐進勦漢

懷慶府志

卷三十一

人物

忠節

五

率諸生雜卒伍中登陴固守城陷投井死

閻善先孟縣拔貢疾惡甚嚴爲諸生時嘗抗節不拜孫太監又叩馬諫撫軍避賊人皆爲悚懼善先自若

也闖賊攻孟城陷與孝廉李化邦諸生劉國檄同死于賊

馬雲路孟縣諸生沉毅有大畧甲申元日題門有報國三尺劍之句城破不屈賊怒斬之逃者過其旁聞

亂戶中有若牛鳴者就視之乃雲路也首血籍草猶瞻日直視同邑程德化於人少所許可獨心偉路曰

吾何敢望馬君也

張斗字南一溫縣人幼嗜學天文地志一過輒通以

選貢授萬泉令時流寇燦原斗登陣穀甲冑以待至  
夜分邏卒皆臥斗起曰風自某方來寇且至以兵襲  
之殲其首過天星併俘斬數十人賊遂遁調趙城連  
遭親喪去任服闋補深澤令遷永平郡丞調濟南以  
平鄒青五縣寇繕雉堞有法賜知府服俸尋陞陽和  
道僉事遷蘄鎮參政每臨敵坐督撫麾下授方畧能  
奇中崇正十五年歿于松山之變

馮師孔字景魯原武人蒙陰令沐之裔孫也萬歷丙  
辰進士除刑部主事恤刑陝西釋疑獄一百八十八人  
崇正初歷官密雲道兵備副使忤奴璫鄧希詔罷歸  
後以薦召對便殿監通州軍時勤王兵無紀律或殺

懷慶府志

卷二十一

人物

忠節

六

掠良民以冒功師孔審實立致之法軍中股慄陞陝  
西巡撫與李自成戰于南陽敗績入守西安賊至守  
將王根子爲內應城破師孔投井死

明史

吳加增字繼山陽武人狀貌魁梧長於兵法明季流  
寇猖獗增署千夫長統領鄉兵力保危城土賊張叛  
子聚衆劫掠增率百餘人禦之自辰至酉救援不至  
賊圍之數重增撫髀嘆曰此吾畢命之日也如一城  
生靈何奮勇衝擊馬蹶被獲不屈遂遇害

國朝雍正七年記忠義祠

張琳字美五陽武人少負氣節與吳加增友善崇正  
間署千總庚辰九月與加增分領百餘人進勦土賊

遇于合角集增陷陣被害或勸琳潰圍走琳曰我與增奮身行伍誓爲朝廷殺賊今增獨死何面目相見也奮力衝殺亦被害

王宗弼字東泉河內人崇正壬午舉人授甘州知州李自成陷州城宗弼刺血題詩衣襟遂遇害家人持血衣歸報其家葬此衣于北金村丹水之曲

李毓梁字喬選孟縣人幼有雋才崇正壬午舉人流寇襲懷慶據之下令徵屬內舉人赴西安授官梁外爲治裝具酒饌會食酌酒上母諸子亦以次上壽梁爲飲滿意色如平日畢會遣其婦與二子送母山巖囑之曰第善事老母他事我自調度返至室取片紙

懷慶府志

卷二十二

人物

忠節

七

大書曰聖恩深重背之不忍老母年高逃則不能惟有一死可謝君親卽解帶自縊于庭樹明日母至不哭曰兒不欲從賊死遂其志矣何痛爲先是梁爲人佚宕不羈至是以節死遠近悲慟皆恨知之不盡修武鄉官教授侯來同教諭李時華同時殉難戊子庫大使焦鏞肢解見改驛奏疏

國朝

丁運昌河內人前壬午舉人順治初仕袁州司理金聲桓之變被執不屈死之

張爾見懷慶衛人順治初以歲貢署孟縣教諭闖賊

陷孟不屈死之

王政本名源河內武生康熙十六年征吳三桂隸終  
提督麾下令賣招撫

勅諭二十道赴賊壘張掛遂為賊所害部檄優恤免其家

徭

李生榮河內人康熙五十六年五月攻宜陽神後寨

奮勇先登中礮死

劉起鳳河內人康熙五十六年七月攻澠池縣三架

山奮不顧身中礮死

孫起龍河內人康熙五十六年六月攻闕鄉縣高柏

寨臨陣爭先猝遇鎗火頭顱為碎

李如美河內人康熙五十六年七月與劉起鳳等共

懷慶府志

卷二十二

人物

忠節

八

攻澠池三架山奮勇百倍以飛鎗傷項歿於陣

孝義

周

聶政軼深井里人避仇與母嫂如齊以屠為事濮陽

嚴仲子與韓相俠累有郤求可以報俠累者或言政

勇敢士也仲子奉黃金百鎰前為政母壽政謝曰臣

幸有老母家貧客游得甘毳以養親親供養備不敢

當仲子之賜仲子辟人自為政言政曰臣所以降志

辱身居市屠井者徒幸以養老母老母在政身未敢

以許人也仲子固讓政竟不肯受久之母死既葬除

服政曰仲子前日要政政徒以老母老母今以天年

終政將爲知己者用遂西見仲子仗劍獨徃至韓刺殺俠累因自披面決眼自屠出腸遂以死

史記

漢

陳伯陽武人丞相平少時家貧有田三十畝獨與兄伯居伯嘗自耕田縱平游學平爲人長美色人或謂平貧何食而肥若是其嫂嫉平之不親家生產曰亦食糠覈耳有叔如此不如無伯聞之逐其婦而棄之

史記

石建溫人萬石君奮長子爲郎中令建老白首萬石君尙無恙每五日洗沐歸謁親入子舍竊問侍者取親中褻廁踰身自幹洒後與侍者不敢令萬石君知

懷慶府志

卷二十二

人物

孝義

九

以爲常萬石君卒建哭泣哀思扶杖廼能行歲餘建

亦死

史記

丁蘭河內人少喪母刻木爲像事之不少怠鄰人張叔擊其像蘭卽奮擊張叔吏捕蘭去像爲之垂涕郡縣嘉其至孝奏聞詔圖其像

按丁孝子刻像何以遺父孫盛逸人傳作考妣者是應從之

郭巨河內人家貧事母孝有子三歲每供饌母常減食與之巨謂妻曰兒分母饌母不飽子可再有母不可再得乃謀埋其子掘地三尺得金一釜上有丹書云天賜孝子

按巨爲林慮人于漢屬河內郡故孝子傳云巨河內人也至今之河內縣于漢爲野王武德洎隋代

始改名河內韋志者不察前郡後縣之有別第見  
河內字樣往往誤採此其一也而府志更云溫人  
則又據干寶搜  
神記未詳孰是

趙孝濟源人性至孝赤肩賊欲殺其異母弟禮孝急  
往謂賊曰禮能養母而瘦孝不能養而肥願以已易  
弟使衆得飽老母亦得所養也由是兄弟相代讓賊  
義而並釋之

按此事載後漢書趙孝傳並其弟名亦同但漢書  
云沛國蕪人又言禮亦恭誠行已類於孝今郡縣  
舊志言孝與禮析居禮陰路大姓主斷得廟  
則不類已甚矣豈濟源別有一趙孝趙禮耶

趙承河內人梁冀誣李固下獄承等數十人要鐵鎖  
詣關通訴太后明之乃赦為冀更據奏前事誅之承  
等悲嘆不已乃共論固言迹以為德行一篇李固傳

懷慶府志

卷二十二

人物

孝義

十

張範字公儀河內修武人太傅袁隗欲以女妻範範  
辭不受曹操平冀州遣使迎範範以疾留彭城遣弟  
承詣操操表以為諫議大夫範子陵及承子敬為山  
東賊所得範直詣賊請二子賊以陵還範範謝曰諸  
君相還寬厚矣夫人情雖愛其子然吾憐哉之小請  
以陵易之賊義其言悉以還範本傳

三國魏

司馬芝字子華河內溫人少為書生避亂于魯陽山  
遇賊同行者皆棄老弱走芝獨坐守老母賊以刃臨  
芝芝叩頭曰老母在惟諸君憐之賊曰此孝子也殺  
之不義遂得免害以鹿車載母居南方十餘年躬耕

守節曹操平荊州以芝爲管長遷廣平令魏黃初中入爲河南尹內官欲以事托芝因芝妻伯父董昭昭猶憚芝不爲通明帝卽位賜爵關內侯卒于官子岐

嗣三國魏志

南北朝

毛惠素仕齊爲少府卿性至孝母服除後更修母所住處牀帳屏幃每月朔十五向幃悲泣旁人爲之感傷終身如此惠素吏才彊濟而臨事清刻有讒惠素納利者伏誅死武帝後知其無罪甚悔恨之迨

國朝雍正七年祀忠義孝弟祠

懷慶府志

卷二十二

人物

孝義

十一

按惠素爲毛修之孫附見南齊書循吏傳李延壽南史繫于修之傳下云孫惠素舊志誤作孫姓并刪素字所宜急爲更正以清祀典者也

司馬曷字文昇溫人聰警有至性年十二丁內艱哀慕過禮水漿不入口殆經一旬武帝見其羸疾久之字其小字謂其父曰昨見羅兒面顏頓頓使人惻然便是不墜家風爲有子矣及丁父艱哀毀愈甚廬于墓側日進薄麥粥一升墓在新林連接山阜舊多猛獸曷結廬數載豺狼絕迹

南史孝義傳

司馬延義字希忠曷之子少沉敏好學丁母憂喪過于禮及曷還都延義乃躬負靈輿晝伏宵行冒履冰霜手足皸瘃遂致攀屨數年乃愈位司徒從事中郎

上同

張安祖河陽人襲世爵北山侯時有元承貴會爲河陽令家貧且赴尚書求選逢天寒甚遂凍死路側一子年幼停屍門巷棺殮無託安祖悲哭盡禮買木爲棺殮殯周給朝野嘉嘆尚書聞奏表其門閭魏書孝感傳門文愛山陽人早孤奉養伯父母以孝謹聞伯父亡服未終伯母又亡文愛居喪六年孝段骨立鄉人魏仲賢等相與標其孝義同上

唐

王友貞懷州河內人父知敬善隸書武后時仕爲麟臺少監友貞少爲司經局正字母病醫言得人肉啖良已友貞剔股以進母病愈詔旌其門素好學訓誨

懷慶府志

卷三十二

人物

孝義

十一

子弟如嚴君口不語人過重然諾歷長水令罷歸中宗元宗時屢召不至卒年九十九唐書隱逸傳

時惠珣陽武人事親居喪著至行事聞于朝詔旌其門迨

國朝雍正七年祀忠義孝弟祠

孝友傳

劉士約河陽人封股事親朝廷給帛旌表

孝友傳

榮璧濟源人事親居喪著至行

孝友傳

孫泰山陽人少師皇甫穎操守有古風姨病篤以二

女託之曰吾長女損一目汝可娶其次姨卒泰娶其

長者或詰之曰人有廢疾非泰何適嘗置別墅用錢

二百緡居兩月俾其人他徙有老嫗痛哭數日泰問

之曰老婦舊事姑於此子孫不肖爲他人所有故悲耳泰惻然久之因紿曰吾適得京書已別除官不復駐此且命爾子掌之言訖而去泰壽九十終子展進

士世爲顯官

舊志

劉人其故蓋天壽九百歲開國

宋

時翁逸其名爲鄭州牙校年六十餘未有子差赴成都市一女白布總角詰之女泣告曰父都下人爲州掾卒無力扶襯故警妾耳翁惻然歸其女以金代爲營辦送襯都下未幾生子彥舉進士第一官吏部尚

書

舊志

卷之八十八

懷慶府志

卷三十一

人物

孝義

三

趙彥霄溫縣人與兄彥雲同慶十二年兄好聲色博

奕彥霄諫之不入遂分居後兄生計蕩然彥霄邀兄

嫂復同居俾主家務以分券付之火人始知向日之

析爲兒畱餘財耳後彥霄與子登鄉舉

舊志

百吏府志

陳芳河陽人仕至大理丞一門十四世同居三百年

政和六年翰林學士許光凝與宣和殿學士薛嗣昌

中書舍人宇文廣中共薦之詔表其閭

宋史孝義傳

金

宋可字予之武陟人其姑適大族豪氏貞祐間遭兵

夫及子皆死于難姑以白金五十笏遺可不受不辭

後姑得豪氏疎族立爲後可乃置酒會鄉鄰謂姑曰

往時遺金因豪氏無嗣誓受之今有子矣此金豪氏

物非姑物也請歸原金未幾北兵駐山陽軍中有聞  
可名者執其子使人招之曰從我者生不然汝子死  
矣親舊勸之往可不聽曰吾有子無子與吾子死生  
皆有命豈以一子故喪我生平後竟以無子

金史  
舊郡縣  
志作張  
可者誤

劉全武陟人性至孝金末河朔擾攘父源母崔氏俱  
為北兵所掠父病卒母被鬻不知所往全就虜而去  
後三年遁還訪母于祁蓋間果得母所在哀號祈請  
主家拒弗許全行乞得金贖以歸敬養三十餘年

舊  
志

懷慶府志

卷二十二

人物

孝義

十四

蕭翊字公璩武陟人讓之子性資驚悟讀書力行循  
循以禮自持年弱寇薦補無為路教授辭以親老不  
赴後父母俱卒廬于墓側哀痛無已凡二年而卒吏  
部上其事特加旌表

縣志

楊一懷孟人至元間與叔清分居清漸貧一密詣神  
祠焚析券復迎叔同居三十年無間言有司以聞詔  
旌其家

元史  
友傳

張宏毅修武人七世同居一門孝友長幼敦睦財無  
私蓄有連理槐生焉詔旌其門名所居地為孝義鄉

舊  
志

趙成溫人事親孝親亡廬墓祭葬盡禮詔旌其門

孝友傳  
總序

侯榮丁用郭天一俱懷慶人居喪廬墓詔旌其門上

明

王履親卒廬墓冬月生芝詔冠帶旌之

高三永樂間父母繼卒躬運土築廬墓側者三載

楊千得永樂四年祖母病篤千得割股飲之病立愈

祖父病又割左臂肉以進病亦愈間里稱其篤孝

張倫懷慶府庠生父卒廬于墓所朝夕哭奠鹽酪不

入口者三年既除喪不御酒肉二十年

張孝字有誠父葬太行山孝廬墓側日食糜米半盂

如是者四年鄉人焚其廬以促之歸孝復穴居數月

母病始歸猶不食酒肉正德乙卯貢於廷以母老不

懷慶府志

卷二十二

人物 孝叢

五

赴選母卒一柩而絕何塘請郡守爲購塋地遷其父

柩歸母子二喪葬焉

黃應選諸生廬墓三年時冬杪滿墳生黃花復有白

狼馴墓家甚貧有司賑之不受何塘作詩美之

鄭恭王事母闕太妃至孝王以諫言適置祖陵十八

載及還國太妃年逼桑榆繞膝嬉戲如兒時每獻食

輒戴首以進博太妃一笑及太妃薨服食一遵古制

竟以毀卒

孫士堯待母病三月不解帶或大祲有負者將鬻子

以償鬻之燬其券後還入遺金聞於令旌其門

丁時皞庠生幼事孀母甚謹而自奉粗糲有良田三

十畝盡推以予弟子文燦舉於鄉

蕭永命萬歷壬午舉人童時從父守身宦遊京師既歸里其師卒於京永命遣方輿輓歸葬友人負負貧者疾且革永命携原券往面焚之友伏枕謝猶涕泗不能止命曰君幼女未字是宜使君不暇目吾有子當爲問名友益感慟及卒禮聘其女所著有詩文集春遊紀勝草

任銳盧俊才沈時榮鄒世德俱割股療親

張堯區仕明濬典儀正少孤事母以孝稱歲大歉出粟賑之賴以存活者數十家

葉茂春字梅崖少孤失聰時時伺母顏色母稍不憚

懷慶府志

卷三十二

人物

孝義

六

卽不食感眉頰爲嬰兒啼一日母病垂危投母懷中泣竟日夜母漸甦夢神謂曰若兒孝奏帝帝錫若兒孝廉三十載養若萬歷乙卯果舉於鄉洎母亡時正三紀耳先是邑令卹存性慕其行屬犯科者免茂春關白茂春介然不屑

婁起敬字敬一鄉賢樞之曾孫性孝友以母病遂究心於醫守令多延請者然未嘗干以私郡人無貧富皆爲診視或酬以金帛不受生平無謾語無畸行人稱爲長者以歲貢終於家

蕭永嗣字元美明天啟選貢祖瑀鄭府典寶常焚負券二千金人高其義嗣性端毅幼失恃事後母以孝

聞與後母弟同臥起竟夜講誦不倦也後弟病歿哀  
痛若狂走迷所向髣髴見神導之得抵姊家崇正庚  
辰大饑滅糶以濟里人後其子家芝家蕙皆成進士  
孫曾克嗣其家人以爲孝友之報云

江舟倫天叙焦麟徐伯宜皇甫獻楊應卿皆親歿廬  
墓三年

馬耀圖字義瑞慷慨有大志邑令王漢厚爲之禮從  
漢剪寇大行數有功及晉巡撫耀圖輒身詣賊壘招  
降李奎劉宏基等數萬人漢卒耀圖遂不盡其用云  
牛騰奎世居紫陵鎮前此紫陵無業儒者自奎冠童  
子試士始鼓舞向學奎別聖在長樂莊莊瀕沁奎糾  
衆建拯民隄及長春隄各十餘里數百家恃以無恐  
次子冲從知縣王漢勦寇軍騎入賊壘招撫楊四等  
千餘人漢手書褒美謂古名將不過也

高韋魁都一鵬俱以義行稱

以上俱  
河內人

段相字誠菴好行善一日坐門內有負貸者趨起不  
敢過相窺其意起避之其人愧以息來償不受疾革  
時遺麥本五百石悉焚之子可行字紹菴亦有善行  
孫國璋另有傳

魏大經崔良臣璩鳴玉皆以義行稱

田良甫李泰俱濟源人正統初良甫輸米一千三百  
石泰八百石賑濟英宗有旌田義民詔見藝文

都九鳴以孝行稱

侯靖邦庠生流寇亂有戍兵趙民祿為仇家所陷王屋道士朱之清以非罪繫獄有司俱欲殺之靖邦力辨其寃得不死

張學禮高槐俱廬墓三年

李我立字建吾性高潔澹於名利好山水時裏糧出遊遇凍餒者輒周給之恤灾憫患出於天性子端字懷方郡庠生亦慷慨有大度施恩不責報孫紹周另右傳以上俱濟源人

馬瀾宏洽甲子舉人仕樂昌知縣告歸性孝友父病

為嘗糞及卒哀毀踰禮孝事母至老不衰撫弟澍尤

懷慶府志

卷三十一

人物

孝義

六

篤厚何塘志其墓

馬怕庠生少失怙事母田氏至孝母病祝天願以身

代病獲安母復患癰怕吮癰注藥癰亦平及母卒廬

墓三年時有雙白鳩巢于樹人至不驚

高延壽割股療親

薛復亨苦志力學母郭氏疾醫藥不效復亨祝神願

以身代母壽十年是夕母感異夢遂愈從復亨率果

先母十年

趙小二親歿廬墓三年

王三聘以孝行稱

薛文濟正統間出米麥一千一百石賑濟賜敕褒之

周公直聶文秀王忠朱成俱武武人各出米麥豆一  
千一百五十石賑濟賜敕褒之

以上俱修武人

孫毓洪武丙子舉於鄉代祖父戍邊十四年始歸居  
母喪廬墓三年年九十詔賜冠帶幾及百齡卒  
荆良正統間歲大禳出麥千石賑濟有司以聞詔旌  
其門建有義民坊敕文一道

張強家貧婁嘗於沁河渡口負人涉水日博數錢爲  
饌供母邑令李昌聞而賢之月給米五斗嘉靖甲辰  
歲直指旌其門

王宣性寬容好施予友人某母喪乏殯具慨然解三  
十金爲助嘗有惡少詈其門出酒饌以食之其人愧

懷慶府志

卷二十二

人物

孝義

九

悔由萬歷乙酉舉人令鄆縣擢冀州守益著治聲母  
病乞終養士民懇畱章四上始得請

王言兄弟八人友恭無二閭里化之

朱瓚以醇篤重於鄉兄弟雍睦壽幾百歲爲鄉飲者  
賓

王許以孝行稱

邢可權天啟辛酉舉人時流寇掠婦女白氏等爲迫  
兵奪獲可權畱養別院查送原籍任太原知縣著有  
循聲值歲飢出粟賑貸全活甚衆

趙天祥親歿廬墓三年

毛三槐性醇謹好施予弟三旺早卒遺孤甫十歲撫

之如已出比長督課維勤遂成名士

王定王薦賢武可賀俱割股療親

劉士傑字育髦慷慨好義人有負其貴者輒焚券不責償驛丞某病革無子密付五百金於傑丞歿其弟至傑如數畀之以歲貢為孟津司訓嘗攝邑篆值鄰邑以王鹽貽禍孟津士傑力鳴諸上官邑人德之刻主為祀轉磁州學正旋遭國難解組歸時貴有欲識其面者辭不見曰吾老髦得為聖代逸民足矣

宋登先

孫孝

雲蛟

趙國龍

張九官

任思義

懷慶府志

卷二十二

人物

孝義

三

王慈明

毛九之

王曉

俱以義行稱上俱武陟人

以國捐

陳克忠宣德間歲歉忠捐粟七百石賑之

朱袞割股療親

程式資學不凡當歲薦時式應首列推讓其次學博

奇之宣德乙卯舉於鄉官延川訓導

李范以孝行稱

張瑾孟珪俱溫縣人天順間歲大祲各出米四百斛

賑濟飢民邑令武韜遵詔立石記其事

以上俱溫縣人

李德孟縣人洪武時旌

見明史孝義傳

尚幹字守廉天順三年父從征竹查山遭疾以書寄

幹幹年才十二卽號泣倍道往視甫至而父卒欲扶  
柩歸葬力不能計焚之方舉火天忽大雨督兵者異  
其孝以賞給之歸途遇虎勢甚危禱曰天乎幹死不  
足惜奈親不獲葬故土何虎旋去竟得歸窆後與邑  
人韓瓘同賈四十餘年不分資瓘亦有高義鄉人爲  
異姓同財記以美之

劉淳行君喜俱親歿廬墓三年

劉章字德顯與仲兄文業儒文天順間舉於鄉未仕  
卒章遂躬耕事母母病劇章泣祈代死醫教以嘗糞  
甘苦章嘗之苦醫曰厥疾瘳矣旬日果痊

張簡寧武升俱割股療親

懷慶府志

卷二十二

人物

孝義

三

李閻少孤鞠於曾大母大母母三節婦比長李敬如  
一母與大母繼歿既葬廬於墓側累遭大水不及墓  
次人謂孝感所致

耿垣字大器好施予捐貲建侯村穀巨兩橋族人力  
不能完賦者代爲辦納鄉里不能舉婚葬者出貲以  
助何塘銘其墓曰富而好義

以上俱  
孟縣人

尹宗憲家貧自奉極粗惡事二親必致甘旨親歿廬  
於墓所竟以毀卒

張爾捷庠生性至孝父疾革爾捷與妻何氏焚香哀  
禱願以身代後父疾竟愈

楊端性慷慨崇正中邑大飢時以軍興增稅民至有

鬻子女妻妾無售者端出銀三百餘兩代完緊急倉口縣令義之許以徵還端謝曰後徵與前徵無異耳張景春以義行稱

王邦仕素行義值飢疫死者無筭邦仕曰吾力不及

遠乃悉其宗族之無人殯殮者各爲葬具瘞之

以上俱原

武人

高仲德商長與值兵亂失母挾貲走燕冀悲號道路求之竟於同商得母書數千里迺歸洪武初舉孝廉

授官迨

國朝雍正七年祀忠義孝弟祠

劉大家貧值歲飢傭工以事父母父母相繼卒大徒

懷慶府志

卷二十二

人物

孝義

三

既營葬廬墓六年永樂間旌表其門後祀忠義孝弟

祠

蕭盛字世昌七歲喪母悲號如成人後父卒廬墓三

年有青蛇馴擾之異事聞旌表後判通州決十餘載

疑獄人稱神君祀鄉賢孫雲鶴亦以孝聞

孟真儒貢生任鹽山縣丞以賢能著轉崇府紀善時

父霖尚在堂乃曰親老垂白奈何升斗是糜遂歸日

以娛親爲事年八十六而卒臨終召子孫至榻前喟

一聯示曰生平無一事欺天今日送百骸歸地後祀

忠義孝弟祠

劉振正德戊辰歲大飢捐粟活人以萬計嘉靖甲申

再飢賑濟如前後祀忠義孝弟祠  
李麟親歿廬墓三年

崔瑤割股療親

朱友義張大振李周傳俱以孝行稱

劉洋 馬錡

劉銳 趙應聘

王尚賓 王添輔

費春元 費書元

孟懷恩 李萃然

王守德 曹克恭

王守政 俱以義行稱  
上俱陽武人

懷慶府志 卷三十一 人物 孝義

國朝

遂登高善事繼母性行端亮有巨室以千金付高值

歲飢高獨施殆盡自鬻田產以償無難忍

鄒楷字範夫八歲時母病劇卽禱以身代比長樂施

不倦有張姓者以逋貸不敢歸家楷嘆曰此彘彘者

乃間人母子歎耶自焚券招之歸以明經司訓汝寧

歷遷教授卒祀鄉賢

楊蕃生字素如順治壬辰進士授大同推官遷戶部

郎陞井陘道所至以廉靜稱及歸里值歲海飢出粟

三百石以貸貧者歲熟不責報曰曩時督通州倉秋

毫無所取巡井陘却軍餉羨金萬餘緡乃眷此區區

粟不能度外置耶子賜昌兵部主事  
何鑛字仲開庠生幼喪父事母甚謹兄弟三人共爨  
七十餘年內外無間言里中貧死無殮飢寒無告者  
必多方闢助之有鄉人孟甲陷於獄將鬻女爲贖銀  
鑛憫其愚助以八十金俾脫獄完聚雍正二年年幾  
九十以優行舉

恩給八品頂帶

丁萬秀性孝友與人謙下無疾言遽色事父母至老  
如嬰兒里黨推爲倫紀之宗  
楊進善邱時亨皆以友義稱  
賈濂以孝義稱

懷慶府志

卷二十二

人物

孝義

四

申自立拾遺金還人

陳靜誠字實菴少孤事母孝稍長折節讀書中乾隆  
辛酉舉人選汜水教諭母晚年多疾靜誠子夜焚香  
願以身代疾遂瘳嘗攝象汜水知縣有兄弟爭產數  
獄爭不決或以賄囑靜誠怒却之其人畏服訟遂寢再  
補西華教諭時值疏河濁水生監有抗不任役者邑  
令請往諭之衆皆悅服任事邑城三面距小黃河西  
郭隄勢尤危督役增土及河水發兩河南北決城者

五十六州縣而西華城屹然無恙

鄒松如字蘭友庠生族黨貧乏每多用濟負債者悉  
爲焚券歲歉有鬻女者代償其植俾得完聚子采章

玉章先後成進士

采章雍正丁未進士授福建福安縣知縣多惠政常念父年老多疾艱於迎養改補教職凡兩任歸德府教授

玉章雍正甲辰進士初授故城縣知縣甫下車卽盡除邑中陋規於城門設木櫃令民按日投牒其中隨訊隨結改任江南歷知吳江縣皆以廉能著後任江西廣昌乞休歸讀書自娛著有居敬堂文稿

趙育瑄廬墓三年鄉人立碑表其處

張舉庠生廬墓三年

懷慶府志

卷二十二

人物

孝義

三

王元雍親歿負土成墳築室墓旁日拜獻飲食者三

以上俱河內人

李褒性至孝幼隨親避難猝遇寇至褒涕泣哀號求免其親寇憐而並釋之父病危禱於神祠願以身代父病旋愈及父卒喪葬盡禮廬墓三年雍正年間祀孝義祠

何兆祥字福全性至孝父騰龍負才不遇思徧歷名山不告家人而出久不歸兆祥年十八徒步由少林中嶽至金頂訪父問關一年不遇歸省其母既聞有於金頂見騰龍者立馳赴之復不得因自襄陽下趨吳越至南海見壁有父題句編尋之九年終不遇復歸省母明年直走秦岱過五臺無蹤跡於是復抵長

安通歷秦中繼入蜀至峨嵋又九年仰天大哭曰祥  
此生竟不能重見吾父乎乃謀歸訪之近地兼省其  
母至汝州之風穴寺有別院曰自在見一老人藉地  
坐彷彿類父狀然相隔二十三年幾不復相識兆祥  
亟叩其里氏果父也於是相抱泣借歸時康熙丁酉  
後七年而父卒

按兆祥事載中州彰善錄以  
子達善官翰林封如其官

侯封位父母俱故有祖年八旬餘其少弟得痲疾位  
與妻李氏力養孝養其祖病弟則扶持飲食始終不厭  
段景文字觀光工詩文好施與遇歲歉捐貲賑粥又  
出穀數千石減價平糶遠近賴以濟丁酉舉於鄉未

懷慶府志

卷三十一

人物

孝義

三

仕而歿時論惜之陳氏亦好行善事邑東門外澎  
河北岸地窪每苦水漲氏捐費增培人頌其德  
李起龍自其父成章母黃氏嘗以張公藝事勸勉子  
弟誓願同居起龍兄弟四人能遵前志五世同居無  
間言

李入木廩生

段有容光祿寺典簿

藥振傑

李國安

李錫齡庠生

鄭元儒庠生

鄭含英庠生

段以獻

尚宗湯太學生

李在明

王以符庠生

任奕久庠生

閻文魁

賈起龍

何兆瑞太學生

趙國璽太學生俱以孝行稱

齊生香拾遺金還人

以上俱濟源人

路坦然字人路崇正壬午舉於鄉事繼母至孝與弟浩然同居終身撫諸姪如子少穎悟書過目不忘成就門下士甚眾

李之煥庠生豁達尚氣節

國初太行山中多盜煥部勒邑子弟為兵保護鄉里甚有紀律羣寇相戒勿犯李君境他日獄出為賊所害侯殿邦修武庠生幼孤母病日侍湯藥衣不解帶者數年

懷慶府志

卷二十一

人物

孝義

宅

李自強嘗以無子納妾及入門見女年甫及笄慨然曰子之有無命也吾年已老大此女何以終乎遂歸之見清河靈泉行人涉水甚苦捐資建橋三座往來德之

王上元庠生遭賊掠母被救之不避鋒刃卒致母還

范興國當

國初土寇竊發糾集鄉勇協力守御有司旌其門

高應雷秉性醇謹事親至孝

范正繩字中阿天性孝友好善樂施康熙四十七年

歲荒歉煮粥賑濟全活甚眾

李之焜庠生其子募中年無嗣買妾妾入門哭泣不

已焜問故對曰妾有老姑無人奉養故悲耳焜惻然曰此孝婦也卽遣歸囑勿取原金

吳周郁字文軒天性醇厚少貧事父母色養備至與弟周聚甚友愛

范繼武字靖寰性亢爽惇宗誼范氏初卜塋於城南後子孫聚阡已數百年地隘有議析葬者武愕然曰

此墳今日一析後世子孫必有不識祖宗墳墓者何弗就舊塋而拓之遂以已地增入十餘畝義不受價

族人勒石誌其事  
范珥字漢珍康熙四十七八年飢饉頗仍珥施糧三日有餘後遇歲凶珥俱施粥賑濟平政橋傾圮獨力

懷慶府志 卷三十一 人物 孝義 天

興造未竟而卒修關帝廟亦未竣子源貴成之

梁洪字衛北幼失怙恃事祖母以純孝稱居家嚴肅課子孫讀書不預戶外事與人恂恂和易無競

邱緣孔字宗聖郡庠生父爲鬪性友愛孔遵守父志四世同居

范宏謨字徹三丁卯科舉人輕財好施某氏子家貧廢書謨憐其才招與子共學一切資給之遂獲有成

嘗應試覃懷同寓四川客某病甚慨然爲延醫調治痊後復資以道里費

王蘭父病割股以進疾旋愈

高延壽割股療母病有司上其事

趙文宗薛道桂范廷選庠生皆以義行稱

吳屏字對揚庠生父周聚以學行推重鄉里母李氏割股愈舅疾志俱有傳屏性孝友家貧而臨財能廉周聚老疾臥床者數年屏盡心侍養無倦及卒哀毀骨立閭里中有孝義節烈事必力爲表揚

薛大範字洪九力貧養親暇則勤學後以明經官中牟訓導學官傾圯倡率紳士修葺之并葺廻車廟河決楊橋田多沙壓勸邑宰詳豁卒民德之年八十六卒

劉瑄字信公修武附監生以孝友稱

以上俱修武人

王自義母鄭氏久病義割股以進病隨愈

懷慶府志

卷三十一

人物

孝義

五

王一命字令字八齡而孤哀毀如成人稍長躬耕養母生事死葬皆盡禮事二兄恭甚弟早逝撫遺孤若己出嘗臨河觀漲有童子墮急流中衆驚愕莫敢救急命僕援之遂得生又賞貸金濟某急弗責償歲祿出粟活人甚衆每誡子弟曰勢位富厚不可恃祖宗積累不可忘孝弟忠信立身之本驕矜奢欲敗德之階

苗馨字悅然庠生弟慶嘗爲賊所掠馨冒死贖以歸及慶歿養其婦終身同族有與馨忤者得罪司李欲置之死馨力爲申救鼎革之初閭里驟然羣恃馨爲捍衛排解焉子漸穎附監生家業故饒施與無吝色

索綸字允如康熙乙卯舉人在中書侍其母病歸步  
行千餘里友愛其弟無間言

王詹字作聖父庠生化鵬中平失明嘗以未得顯親  
爲恨睿體父志奮勵讀書登康熙庚午賢書任四川  
通江知縣居家以孝友稱

苗培初字來復庠生幼失怙恃育於季父潤事季父  
如所生性坦易與人無忤子琅亦以孝友稱培初病  
侍湯藥一載無隋容子于京登賢書

劉翻庠生事母孝孀母孀居爭之以禮羣從二十餘  
口三世同居又嘗創建義學訓課里中子弟雍正十  
二年邑令徐公以學行兼優舉

懷慶府志

卷二十二

人物

孝義

三

王容衆悅衆安衆兄弟同居事親以孝聞

王用字君碧事繼母孝兄弟三人生活死葬用獨任  
其事性嗜學年七十餘猶日誦不輟所著有六經要  
義

常簡溫字素庵廩生自少以孝友聞母歿時弟簡良  
幼溫與其妻趙撫育之俾有成立妹于歸而夫亡爲  
贖養其翁姑婚娶其二子妹年屆八秩每逢春秋節  
序必詣墓所呼兒嫂哭泣甚哀

范廉十齡而孤事伯叔父母孝於弟妹亦友愛無間  
范天植字裁者庠生嘗顯族人之女並周恤其寡妻  
俾母子完聚與兄遺孤析產以其美者與姪

杜存福兄弟四人父歿時弟俱幼福性勤儉家業漸裕爲諸弟娶妻使各理耕讀之業同居養母

張淳以友愛聞弟旣分居家產消乏復分給之

郭建周幼失怙祖病卒族祖景汾以棺木濟之及周長備價以償汾之子不肯受遂以金設祭景汾而哭告於祖墓一時並重其義

耙希仲庠生親歿負土成墳廬墓三年

宋之燾庠生親歿廬墓三年

李俊瑛與其弟俊璋皆孝友年踰六十侍親側如嬰兒兄力農弟業儒交相勸勉終身不渝

王國昇字旭之庠生善解紛一鄉中二十餘年無訟

懷慶府志

卷三十一

人物

孝義

三

者康熙初張村河決比屋皆傾昇有客舍納百餘人出家穀以食餓者鄉人感其德爲分任門差至今不改

陳光斗字近槐庠生康熙初民以積逋多流亡里分錯雜訟獄繁興邑令彭深以爲憂訪之光斗因設法立官莊給牛種利濟多端戶盡復業

王廷銓監生康熙四十七年歲飢銓出穀二百餘石賑里中飢者

何大元字善長國學生以孝友聞明鄉里凡力所能爲必及之每年發度歲麥糧力役數輩於十一月

朔至臘除唱籌以散無虛日康熙六十一年邑大飢

傾貲賑濟憂不能繼遂以所置園田聽貧者種蔬自給資其口糧而不責租逋負數千金悉焚其券生平非公事不入城市惟以讀書教子爲務其子孫皆能繼志焉

李倫力耕服穡廣行善事里有灘田限廣濟河夏秋載麥禾者苦之倫特建兩石橋以通往來

千壽字樂莘嘗踏拾遺金三十兩訪還失主又臨流見婦女墜河出金雇人救之

申必顯篤志好善置義學於城內延師課督成就後學極夥

張生瑄事親孝非奉命不出戶父謨好施瑄率先捐

建育嬰堂及施棺諸事以悅親心親歿獨處柩旁三年巡撫雅公旌其門

張彭齡性至孝八歲時母病朝夕不離左右母歿憑棺號慟執喪如成人及長奉養繼母服勤不倦

金雲鶴父病割股進之立愈劉家莊南遙隄北土塘寬深夏秋積水鶴捐貲修橋往來者便之

李用祥孝養其母母臨終囑之曰凡鄰鄉負我租債者我死後悉勿責償母亡後祥悉焚其券山西客以

驟驚墜地驟負行李逸入用祥舍用祥訪知客還之客言囊內有五百餘金願酬以十之一固却不受

楊明性以至孝稱載彰善錄

徐鈞字陶菴監生邑有無賴子竊取社倉穀事露無可補償立券賣妻鈞聞之惻然代爲完納乾隆元年黃沁交溢鈞拯救之功甚大觀察張公旌其門子溶字春塘邑庠生亦以孝義稱工詩文

趙府家貧不能自給備力於清化鎮拾商人遺金二百四十兩尋訪付還毫無德色商人感其義分與數金固却不受

索耀常娶妾見其母女泣不忍離卽歸之創建義學關帝廟其他善行甚夥

任得朝家貧而性好施予積金捐修廟宇種樹木平治木藥店街道行人德之

懷慶府志

卷三十一

人物

孝義

三

趙士驥嘗拾遺金十二兩訪失主還之有某姓因貧鬻子驥爲償其值俾父子完聚

郭斌字象九庠生八歲喪父哭泣如成人克恭厥兄常施藥以濟人年八十與鄉飲子景玠恩貢任許州訓導好善樂施如其父長孫所棟廩貢任鄭州訓導事親最孝居鄉克讓業師某卒無塋地割已地以贈乾隆十六年大水浮屍甚多雇人埋之

劉大昭字印崑篤於內行父病臥床十餘年大昭侍奉左右手調藥餌未嘗有倦色遇兩弟友愛備至乾隆元年有司上其事

恩賜八品頂帶享壽八十七

毛元文字瑞生父可悅順治丙戌舉人以行誼重鄉  
黨授廣東司理未任卒元文中康熙甲子副榜任浙  
川教諭修葺學官勸課諸生文風大振後年老乞歸  
敬事寡嫂撫育猶子無不周至年八十五卒

何九治字禹功監生考授州同性至孝年十五父病  
禱於神願減已算益親年父旋愈及卒哀毀骨立奉  
母極盡孝養視庶出諸弟如同母鄰某久客不歸妻  
迫於飢寒將改適而涕泣終日不忍去治助以薪米  
而止又某父死他鄉未能歸葬治亦遺以金使反遣  
骸邑初食西鹽路險遠價甚昂治偕紳民力請於官  
得改食蘆鹽邑人德之

懷慶府志

卷二十二

人物

孝義

黃

毛景長字經宗可悅曾孫年十四失怙敬事祖父孀  
母與幼弟景遂從師課讀復以專司家計援例入國  
學俾景遂專心肄業性尤好施樂善嘗恐沁水漫溢  
於木藥鎮蓮花池關帝廟加葺子堰居民德之事聞  
有司旌其門卒年六十一以景遂次子睿爲後睿兄  
哲弟濬俱得成名皆其教養之力也

魯東泰字穎齋事親孝好施予嘗因沁水漫溢遇浮  
尸出金掩埋之常身救蕭某人尤義之

宋極監生嘗施地於普濟堂又有某姓欠官穀不能  
給將賣妻子極見之爲代償得完聚

宋輝慷慨好義胞姪佩蘭三歲失恃撫教入庠有僕

女已嫁夫以家貧賣之輝代爲償值得完聚先是輝家貧與弟熾爲族祖極所撫恤極亡孀婦孤兒輝爲力在門戶者數十年

徐溶字春塘庠生蕭縣令大生之孫純孝性成父釣中年病癱溶侍湯藥者凡七載未嘗少懈每靜夜焚香祝天所以身代遭繼母之虐時加撻楚身無完膚族人代爲流涕而溶怡然無怨色妻高氏與溶同受繼母撻楚迨高云亡溶尚壯年終身不再娶溶凡兩入秋闈薦而不售子峯樓舉人岑樓廩生皆篤孝行有聲庠序間

懷慶府志

卷二十二

人物

孝義

三

孟應掄字徵用親歿廬墓三年以木盤取土封墓倦則寢墓旁隆冬不輟以迄墓成

邢霑凡鄉里有訟者輒諄諄勸戒訟賴以息嘗遇歲飢買一僕臨終謂其子曰人誰不思父母吾死後俟豐稔時可放此僕使歸養其親其樂善蓋至死不衰云

王榮宗字仲華以義行稱某氏子幼失怙恃貧無所依撫養成立無德色愛接名下士每欲以師事之子二萬里監生萬書庠生皆有學行

宋賢賓字鹿鳴庠生事母至孝好善樂施年九十七

卒

李謙字吉菴父采附監生嗜古能文謙以雍正癸卯

拔貢任湖北應城知縣有監生某僕女畏責自縊其父誣之以姦某幾陷於法謙廉得其實釋之又嘗賑應城漢川兩邑災不假手胥役民沾實惠弟謙中雍正甲辰明通榜仕陝西南南知縣弟謙廩貢生候選訓導居家以孝友稱謙次子麟書庠生三十麟瑞乾隆丁酉舉人

古稽古監生事親孝好施與嘗買族人地十餘畝後知其為母贍田遂還之不索價

孫楫字蘭舟兄弟二人父母嘗先使析居楫事親敬養備至稍有盈餘仍分給于弟繼又同居父病衣不解帶者累旬日母歿哀毀卒

懷慶府志

卷三二

人物

孝義

美

李佺監生候選州同知 劉大業字繼可國學生

苗作楨邑庠生

高爾英增廣生

高允庠生

呂際泰

王鈞字統千增廣生

柴嵩

王維鏞監生

馬向日字子雲增廣生

劉永傑

宋自正字建中

李世照庠生

劉希禹恩貢生

李九皐

秦俊生監生

秦攀鳳

俱以孝友稱

何瑾子養濤庠生

郭廷暉

王勉正

楊廷桂

吉大謨

李倩貢生

何大治字禹功監生

宋式良

王振倫

千大觀字顯若廩生

千肅

朱和均庠生

劉明鑑監生

黃珂

李之熙監生

何培身監生

關養體奉祀生

段士傑九品吏員

秦竣昭吏員

秦敬性

齊國泰

徐臨

孟泰來字道長太學生

俱以義行稱  
上俱武陟人

張射斗字漢冲廩生居喪三年不飲酒茹葷嘗拾遺

懷慶府志

卷三十二

人物

考義

三

金寸鑑訪原主還之善書畫以壽卒

張解字春元兄斗歿于松山千里扶柩歸葬事嫂撫

姪排難解紛邑人推重之任嵐岢令力請除荒糧七

千餘兩民困以甦

田九三字鳳圖庠生好義輕財嘗代族人完積逋數

千金族人以地償之不受與兄九二友愛甚篤兄故

遺孤甫數日九三撫養周至以壽卒

趙明綱字念常登平午鄉薦秉鐸汲縣與諸生切劘

為文章斤浮崇雅早罹鞠凶每歲遇令節忌日輒悲

哀嗚咽終身不改見人無貴賤皆恂恂盡禮

王丕顯字子西五歲失恃悲號過成人無失

歡其妻趙氏化之亦盡孝厥姑設教里門訓誨懇篤  
多所成就以明經老子紹孔康熙癸酉舉人以孝聞  
子錫命中牟教諭亦能文

范蕙字如蘭康隲辛卯舉人以孝友稱

吳瀛字滄洲父國用瀛生有至性父故瀛年七歲哀  
毀如成人任杞縣訓導時聞胞兄灑喪卽泣請縣白  
府給假回籍成禮歸休後年八月猶能歷遊山水暇  
則危坐觀書史不輟素無疾一日以稟坐逝

邢中謀字廣權性至孝因家貧牽車服賈以盡孝養  
親亡後廬墓側三年飯粥飲水哀至則哭負土增墓  
非甚風雨雷電未嘗恐輟邑令伍公親臨看視優以

懷慶府志

卷二十二

人物

孝義

三

士禮給以布帛迨其後家稍裕不吝施予以贍貧窮  
里人有出外經久不歸者其母憂思成疾臥不起中  
謀聞之乃假爲其子手書言某時可歸並寄銀若干  
兩其母頓愈不數月子果歸始知書與銀皆中謀所  
爲也其他善行多似此邑人侯冀撰邢孝子廬墓序  
吳泐字子崧少喪父事母孝與兄灝瀛友愛隴篤以  
明經爲河南司訓嘗慨世俗奢妄沈痼不悟爲喪制  
說以訓子孫俾毋蹈演樂禮懺惡習

王化好善樂施自其祖父來治家有法五世同居男  
婦八十餘口雍睦無間言雍正十年奉 旌

田大有字紫峯庠生事親篤孝家雖貧甘旨不缺及

後對遺像輒下淚有菴甘無可供再不患家貧之語見好書卽市之曰吾以是遺子孫勝積金遠矣所著有祀石老人各集藏於家子受田邑庠生亦有文名

王天福其鄉貫莫考順治初漂流大河之南武生原混於途中納爲僕原後爲睢陽衛軍官天福隨任數載及解任奴皆散去天福獨畱原家故貧性且嚴急僕於飢寒之下嘗受鞭撲或勸之去不聽原漸老二子相繼亡事主益謹有以主老乏嗣言者天福凄然淚下曰主無子我卽其子非不欲去也義不可耳嘗傭工於外以貲奉原原故天福悲甚如喪所生營葬後常依墓所

懷慶府志

卷二十二

人物

孝義

完

張蕙庠生

張芳聞

劉世選

李士傑

王者輔

鄭士仁

張秉廉

趙子命

張養沖

周謨

鄭成章庠生

郭光先

王延齡監生

張廷諫監生

鄭文煥

衛文顯

鄭惠

鄭景祥庠生

張亨泰

王寬

俱以義行稱

王 路

侯大成 俱拾遺金還人  
以上俱溫縣人

殷乾庠生家貧業農順治間有宦僕遺金帛於道乾歸自田間拾弃之宦僕誣訟逆旅人乾往白之封識依然

劉式宗庠生母卒廬墓哀至則哭逾三年竟死墓所鄉人皆哀之

張炳煜習商賈業每積居獲息輒多所施予早喪父奉母僑居祥符家素裕適季父携家避荒就食炳煜傾囊資之乾隆四年開封大水煜携金約貧者於佛寺賙之患平乃止其子繼行事親孝篤義有父風事

載中州彰善錄 以上俱五縣人

懷慶府志 卷二十二 人物 孝義 卑

胡公緒原武參政希舜之曾孫父崇震十歲工詩胸次曠達有不可一世之概明季寇擾原邑震潛出圍城將以才辨求援他郡中途為仇家所殺追

本朝定亂公緒廉得其父見殺狀訴於官仇服法人稱其孝

王加楨性慷慨康熙二十二年飢加楨出銀助賑郭東舊有漏澤園地九畝業經出售加楨出金贖之而歲納其租

薛士奇字脫凡庠生父理陽將卒命士奇曰縣學明倫堂若曾大父時所捐修也今又圯爾其嗣我志乎後士奇遂力任倡修事性謹愿事繼祖母張氏以孝

稱庠生薛震其遠族也家貧病死士奇收其孀孤給  
薪米歷三十年如一日

高鳴陞庠生兄鳴鳳緣事繫官鳴陞盡鬻所分產爲  
兄營贖始得脫家遂貧教授生徒以自給不干外事  
人皆重之

薛萃芳庠生十歲失怙恃繼母師氏性嚴厲萃芳順  
志承顏歲飢竭歷奉養勉致甘旨時傳爲孝童云

高蕙芳性至孝母王氏病臥三載蕙芳親奉湯藥始  
終無懈志

唐應芬母李氏性厭醫藥及疾應芬婉曲勸進終不  
服應芬爲七日不食妻郭氏晝夜祈禱割股進食母

懷慶府志

卷三十二

人物

孝義

早

病尋愈

張堯典有氣節明季寇渠某逼爲謀主堯典曰身係  
良民頭可斷決不汝從賊義之釋還

薛珏字兩玉廬生性孝友年六十餘鬚髮皓然時於  
母前作嬰兒嬉戲狀兄璿司訓武安卒於署時值河

患珏問計奮不顧家星夜馳臨攜其寡嫂孤姪歸  
婁繼勲監生十歲喪父哀毀如成人事母至孝性慷

慨好施母卒苦塊柩側朝夕哀動閭里旣葬廬墓三  
年

高遐譽母閻氏遭火焚十指脫遐譽親捧飲食日代

櫛沐終身不懈

以上俱原武人

薛吉士廩生父陳偉監察御史卒於官嫡母待吉士  
生母賈虐士每躬代勞苦嫡母禁之士號泣不食幾  
死嫡母感動待其母加厚後賈卒哀毀骨立欲守三  
年制時嫡母在堂生母無丁憂例邑令安嘉其孝請  
諸督學適部議庶子爲生母丁憂文下遂得終制

費芳玉芳金性孝友崇正季年歲祲逃亡過半會父  
病芳玉兄弟忍飢守視備湯藥父病得痊母張氏患  
癰病動輒需人兄弟負以周旋手奉飲食者三十四  
年同居共爨終身無間芳金子璿理孝友亦有父風  
楊又震字關西廩生父病震遠求醫宿空宅中震念  
父不能寐初見一婦人抱嬰兒至見震疾趨避之又  
見一老人肩負物探望若欲前不敢狀震意爲宅中  
人已起天將明矣呼醫同行實則夜未央也爲述其  
事醫言宅無人居當是鬼物感君純孝不敢祟耳後  
父母歿撫二弱弟成立終身不異爨生平學宗程朱  
淹貫經史

王拱極庠生用中子撫孤姪如己子子偁早逝遺孫  
永祚聘游省邦女因喪明省邦將謝姻事極曰吾孫  
若失明爾女可更適乎卒娶之

馬世名字新圖順治二年舉茂才署杞縣訓導有疏  
族子以貧甚欲逃他鄉世名給牛具安置之復  
有疏族琪以罪繫獄當死家貧八口嗷嗷待斃世名

周給三年琪遂遇赦復得完聚

朱大州母疾顛天乞以身代興兄折居讓田數頃植歲大禱助衣食掩暴骼里人德之

王紹素庠生性孝友父亡後兄弟友愛終身無間有耿李二姓爭墓田素出已所卜吉壤與之訟遂息卒祀鄉賢

劉敬躋字聖功庠生爲堂叔償逋負百金復迎歸奉養終身友人夏某三喪未舉踵門求助敬躋卽允其請設立義塾多所成就壽七十九歲卒

張士恒字月如母早亡事父以孝聞父性好施予恒先意承志其妻孟氏亦能佐之父卒晝夜涕泣不入肉者三年以哀毀卒

懷慶府志

卷三十二

人物

孝義

聖

程希聖八歲父母亡兄希元移居原武聖獨力營運三十歲積金千兩請兄歸家時元讒犯原武鹽法解往天津聖鳴於官遂得釋歸與兄同處終身

張尊性字西銘庠生爲人篤實長垣人朱貴宇在陽武賣書爲業病故妻子無依將行乞性以衣食給之其子稍長爲之婚娶遂克成家遠族業有地四頃餘爲河浸不堪耕種逋賦累累舉家逃亡性賣已田爲代償巡撫雅公旌其門

王永年庠生慷慨好義有年比客死年爲市棺令得歸葬邑人死後貧不能具棺者年皆代爲殮子童者

邑庠生性孝友有父風

李如璧性坦直有邑人吳甲質地得金被酒遺失璧拾得之卽以還吳吳願以半爲謝堅却不受故友武陟張悅一子家貧不能娶璧竭力助之後悅子成立來償所助亦不受年八十三而終

樊振凡字斗南父歿與兄同居敬如嚴師兄亡事寡嫂益謹族婦老而無依養之終身

王元谿字公延紹素子兄弟同居六十餘年設立義塾教同鄉子弟多所成就戊子年飢煮粥以賑貧窮其老幼不能就食者每人日與雜糧二升又施地作漏澤園乾隆六年祀忠義祠

懷慶府志

卷二十二

人物

孝義

四

苗芸家貧性至孝傭工養母嘗於祖基掘地得白銀分諸同伴周克順張大周苗文贊三人以芸自得之不肯受芸曰克順有父喪未葬大周有老母待養此拾來之物我豈可獨取相讓者久之卒分焉巡撫尹公旌其門

張士標字準公父母歿柩未葬值黃河漲溢廬舍盡淹士標夫婦相泣曰吾安忍逃去而棄親柩于水中也乃設蓆棚夫婦相守兩旬柩得無恙後登雍正甲辰科賢書

靳悅字坦庵未成童人與以美好之物必進父母後其父華裘病悅晝夜侍藥餌者二載父故悅哀毀骨

立淚盡繼血三年不入私室母歿亦如之每於木主前飲食必供數十年無間邑侯旌其門壽八十九而卒

呂文世業農父淵出外久不歸文年十四遍訪數年後得骸骨於許州負之歸葬學正孫用正爲之立傳  
見藝文

李耀彩庠生事繼母孝其叔早亡遺孤幼有刑其家貧者耀彩爲之捍禦卒致成立輝縣庠生某以困窮變姓名夫婦傭工於其家耀彩知之遂課其子年八十四終

懷慶府志 卷二十一 人物 孝義 梁瑛庠生康熙二十九年歲飢瑛捐穀百石巡撫聞

公旌其門

馬蘊生庠生康熙二十九年歲大飢蘊生輸粟五十石助賑後享高年膺鄉飲介賓邑令旌其門

張愈大字茂宏庠生叔亡無子愈大書其家產訪擇繼嗣付之繼悉無私

王廷鈺字其相元諡子庚茂歲邑大飢村人不舉火者鈺皆捐廩積以活之太平鎮南地勢卑下行人病涉鈺雇工修墾百十餘丈巡撫雅公旌其門

張韜監生孝友樂善康熙辛丑壬寅閭黃水漂沒耶墟穀價昂騰韜施雜糧百餘石以濟貧困凡病死無依者施棺衾不可以數計巡撫雅公旌其門

孫秉璋以義行稱

張國鑑庠生

張 珖庠生

李大受歲貢生

李喬林庠生

盧 彤太學生

劉敷文庠生 俱以孝義稱  
以上俱陽

武人

懷慶府志卷之二十二

懷慶府志

卷二十二

人物

李義

吳

八

李大受歲貢生

李喬林庠生

張國鑑庠生

張 珖庠生

盧 彤太學生

劉敷文庠生

